



玉清宮圖



民國二十五年五月繪製  
已入錄方志  
王國維先生遺稿

# 公安局圖

(廟後街舊)




民國二十二年五月地籍測量局測量丈員張文全繪



# 縣中附屬小學圖


(石碇寺)



民國二十三年五月雖縣誌局製 邑人陳國寶徐良玉附繪




提龍廟院城



宮 神 玉




佛木寺佛石



寺佛石



塔院龍泉



院龍泉



浮山修貞觀





院 陀 彌 莊 幸



佛石也都羅  
(院勝福在)



崇聖祠孔子  
先世五代肇聖  
王木金父公裕  
聖王祈父公詒  
聖王防叔公昌  
聖王伯夏公公啓  
先賢顏無繇曾  
點孔鯉孟激先  
儒周輔成程珣  
蔡元輔成程珣  
松餘定張迪朱  
宮條詳教育學

孔北海祠

據齊乘  
載祠在  
濰州北  
署後北  
城上宋  
政和四  
年太守  
安陽韓

濰縣志稿

卷九 營繕 壇廟寺觀

二

公建有  
碑在城  
今無存  
（乾隆  
志）

孔北海祠

孔北海祠

祀北海相孔融  
又西建堂五間  
祀鄉賢鄭康成  
譚郎宗鄭康成  
甄宇徐房徐幹  
淳于恭王哀王  
閻呂元簡禽慶  
王修杜松贊牟  
融周澤王松贊  
儀韓熙載王儀  
穆邴原王昕高  
萌管寧郎顛高

海道司  
縣治東邑  
人丁汝奇  
創建

歲以春秋  
仲月上丁  
日致祭

構孫張允劉敏元  
 滕撫張允濟皆  
 繪像榜其堂曰  
 論古堂主簿劉  
 杲卿為記明成  
 化十年增入名  
 宦漢朱邑杜密  
 唐竇瑗李邕趙  
 居貞宋許邕宣  
 揚美張燾韓浩  
 與孔融並繪像  
 於堂之上列紛  
 譚諸賢於兩壁  
 又名曰賢祠  
 (乾隆志)

名宦祠

祀漢朱邑董宣  
 杜密孔融宋蕭  
 汪之劉懷恭魏  
 唐崔光伯唐

濰縣志稿

卷九 營繕 壇廟寺觀

三

竇瑗李邕趙居  
 貞宋許中宣楊  
 美祁暉宋搏蔡  
 齊張燾韓浩朱  
 廷傑王允功王  
 薦金蒲察蒲查  
 元張萃火你赤  
 明吳履章綸宋  
 兌安祐吳夔張  
 陞馬乾呂應科  
 喬剛王曰然王  
 密楊宜楊文光  
 許燭官應震郭  
 存謙薛文周吳  
 姓周亮工清李  
 景龍

鄉賢祠

祀漢庸譚逢汾  
 逄萌徐房禽慶  
 淳于恭甄宇周  
 澤郎宗鄭玄王

文廟西  
 明洪武時建

文廟西  
 明洪武時建  
 移廟東後  
 今地

廷澤兆奇鼎元瞻友忠桂王陳李吳熙呂松唐唐晉烈修  
 鈺長鸞清張璋劉胡許陳漸宗公奎載元贊瑾永劉徐管  
 劉韓王郭爾楊進行舜所齊仁劉胡祖滕南張高閻元魏邴  
 伯夢廷知忠琦明知民問一劉胡邦德中唐允構北北王儀  
 蘊周猷遜胡王呂華郭顏經應節佐明正韓濟杜周魏

濰縣志稿

卷九 營繕 壇廟寺觀

四

延年郭圩楊玉  
 相廷模郭夢  
 齡陳介祺張兆  
 棟丁善寶

忠孝祠

祀漢王修魏王  
 儀王哀隋杜松  
 贊宋程全周中  
 李壇明初永昌  
 初永愛王楫劉  
 天序寧汝環魏  
 國輔劉邦智丁  
 桐劉芳聲田可  
 行清杜存仁宋  
 雲志劉登龍劉  
 謙吉陳維藩孫  
 得玉齊應龍王  
 鼎韓鑄姜國霖  
 宋汝韓鑄姜國霖  
 欽修梅王燧周  
 甯劉譚崇莊一

儒學內  
 清雍正三年建

麟韓山麟  
達世禧徐瀛  
隆王對  
韓蘭張獃譚  
其楊愈譚文  
景和龐丁彝  
翰柴大庸文  
龍莊臨之豐  
昭于象彩孫嘉  
棟韓聯桂韓聯  
樹張鳳閣于瀛

節孝祠

曹家巷

清雍正三年建於東察院  
道光元年知縣陳醇移建  
今地

烈女祠

東門外  
龍王廟  
右

清康熙二十一年知縣盧  
豫邑紳陳調元建  
陳士仁陳篆等勸基重修  
年知縣韓光德倡生員  
圮地基沒乾隆二十二年  
陳士仁陳篆等勸基重修  
(乾隆志)

宋尹祠

城隍廟  
內

明成化十五年立後增祀  
王曰然改稱賢侯祠

今廢

濰縣志稿

卷九 營繕 壇廟寺觀

五

祀知縣宋兌安  
佑章綸王密許  
燾等九人

王尹祠

祀知縣王惟儉

四牌坊  
東道北

今廢

吳尹祠

祀知縣吳姓

西關後

今廢

官尹祠

祀知縣官應震  
同知縣吳尹祠俱  
圮內神位移宋  
王二祠中(乾  
隆志)

北門外

今廢

楊尹祠

今廢

祀知縣四十五宜清  
康熙十年徵合年  
知縣郭尚徵合年  
祀王惟儉官應  
震郭存謙薛文  
周吳姓邢國璽  
後入王曰然楊  
文光李景隆  
乾隆志一

### 洪都撫祠

公諱朝選福建  
同安人明辛丑  
進士濰城北有  
明封衡府水地  
無多後侵佔民  
地招納亡命追  
人徵輸奪人命  
女徵公輸奪人  
訪得洪公廣詢  
上疏陳請執其

舊廟在文  
廟街東  
南畔

今廢

## 濰縣志稿

### 卷九 營繕 壇廟寺觀

六

渠魁立置之法  
返其侵地復歸  
之民感恩而  
祠之舊碑記  
後奸人獻地  
府本圖報仇  
黨衆撤其碑  
碎之今無存  
祠亦無一  
隆志一

### 周公祠

明邑令周亮  
守城有功邑  
為之建祠塑  
其闔中紳民  
年闔邑紳民  
修又添塑前  
賴光表像於  
光乾隆志一  
熙時知縣何  
又添塑邑令

海道司  
街路西



鄭變像改名三  
賢祠後又增祀  
邑令林士駿  
附誌東嶽廟有  
知縣汪節吉像  
今廢

### 陳太僕祠

祀贈太僕寺卿  
銜陳介眉及武  
生千總陳執  
蒲翰林院待詔  
劉鵬翁州同陳  
壽循縣丞胡文  
檀從九品陳式  
智八品銜陳介  
封附生張祥麟  
李士吉王循觀  
王儒喬監生于  
允升武生徐元

### 濰縣志稿

慶八品銜李善  
培

### 網子廟

祀明義民網子  
祀明義民網子  
匠或云即劉邦  
智詳忠烈

### 關侯廟

祀漢前將軍關  
羽

關啓聖祠祀關  
侯三代光昭公  
裕昌公成忠公  
清雍正三年封

文廟西

清光緒五年建計大殿三  
間

### 卷九 營繕 壇廟寺觀

七

城外濠

城北濠

縣治東

相傳黃

巾圍北

海郡公

與先主

帥兵破

寇入城

點將於

此(乾)

隆志)

宋時建元天歷二年重修

歲以春秋  
仲月吉日  
五月初三  
日致祭民  
國初並祀  
關岳於此

清雍正五年建

城內大

後關帝廟

今廢

關侯廟

東關大街 明正德乙亥重修

現設小學校

關侯廟

東北關 清康熙三十年重修

住持僧人 明心曹洞派

今改為城鎮

關侯廟

即三司廟 元元 統元年建

東城門 清康熙三十五年重修

同前

今改建為鐘樓

關侯廟

東關前 清康熙二十六年建

關侯廟

西南關 清康熙三十一年重修

現設西南關鎮公所

關侯廟

南門外 明萬曆庚午重修

關侯廟

即乾隆志三元閣

東關魚市街西 明萬曆三十一年道士馮首有閣 太平化建 清乾隆三十四年重修 琉璃碑

住持僧盛 泉臨濟派

濰縣志稿

卷九 營繕 壇廟寺觀

八

關侯廟

俗稱小紅廟

北關外 清康熙時建

清末傾圮 無蹟

關侯廟

南門內

關侯廟

北門內 翰林院西

關侯廟

海道寺

關侯廟

郭家巷

關侯廟

北首巷

關侯廟

芙蓉街

關侯廟

南首路

關侯廟

小太平街

<p>玉清宮 俗稱北宮</p>	<p>俗稱南宮</p>	<p>濰縣志稿</p>	<p>天仙宮</p>	<p>劉猛將軍廟</p>	<p>府君廟</p>	<p>晏子廟 城東十里 堡東</p>	<p>岳王廟 祀宋鄂王岳飛</p>	<p>關帝閣</p>	<p>關侯廟 關侯廟</p>
<p>城北二里許</p>		<p>卷九 營繕 壇廟寺觀</p>	<p>東南隅</p>	<p>內關侯廟</p>	<p>外西關閣</p>	<p>縣東北</p>	<p>隅城西南</p>	<p>東音堂巷</p>	<p>南西門道</p>
<p>重韓捐清虬內士蓬人唐歸清金 修光銀乾幹種徐萊手括山和 大定時邱長春弟子尹 德五隆森鬱樹三石龜蛇二庭芳詞譚示 倡十十鬱參三百餘株于存明居 闔兩七年知縣鄭變 邑二年知縣鄭變 紳十年知縣鄭變 捐年知縣鄭變 貲縣變</p>	<p>琪等重修（乾隆志）清 光緒中重修</p>	<p>九</p>	<p>元至正二年益都路道門 提點張志功建太學郭一</p>	<p>清雍正五年建 歲春秋次 丁日祭</p>	<p>天順七年戴昂重修民國</p>	<p>修康熙七年縣丞馬敏重</p>	<p>清康熙二十七年重修</p>	<p>明萬曆三年四月建崇禎</p>	
			<p>住持道人</p>						
<p>住持道人 張信周華</p>	<p>山派</p>		<p>現設賑務</p>			<p>今廢</p>			
	<p>社指導所 農會區 協進會分 會城區東 南鎮鎮公 所東院藥 王殿設文 昌小學</p>								

城隍廟

縣治西

明洪武時建成化二年季夏縣丞張傑重修乾隆前宏郭添建戲樓一座於廟信郭耀章陳翠王傑譚邑紳士陳尚志田琳譚十七年知縣鄭燮倡捐闔

歲春雷祭風雲雨祭壇迎城隍神配享清月朔祭厲神主享朔壇有司拜望主享朔神迎城隍祭一並五致

廟祝王武姓

現設公安局

東嶽廟

縣治東

元至正十年建

祭

後院住持尼僧能清

前院設民衆教育館

碧霞宮

東關耀武門內

明萬歷四十二年重修

住持道人于嘉善華

濰縣志稿

卷九 營繕 壇廟寺觀

十

碧霞元君行宮

東門內道北

舊在東門外明嘉靖三十四年移建門內

今廢

望山閣

西關西頭

明萬歷庚戌孟夏王璿建

住持道人許宗凱隨

玉皇閣

東關大街西首

清康熙三十七年重修

今廢

龍王廟

西門外

明成化十六年建

現設西關鎮公所

龍王廟

東門外

清康熙十一年邑人陳調元創建

眞武廟

東北城上

宋大觀二年建

民國十年後廢二十三年移置東門上關侯像於廟中

眞武廟

北門外

鎮武閣

東關後北

明嘉靖五年四月邑人譚石等捐貲築建

文昌閣

東南城

清康熙時舉人于澤長廩生劉漢等建（康熙志）

歲春仲月丁日祭

三官閣

東關東頭

明成化十九年創建

現設第一小學

土地祠

縣政內東偏門

歲春秋次丁日祭

今圮

五道堂

城西南半里許

舊有知縣郭公夢麟祠年久傾圮明嘉靖二十六年邑人于□改建

五道廟

東關慶成門南

清雍正間創建乾隆十九年韓木齋重修道光二年李琅三修同治十三年四修

現改為公安分局

八蜡廟

社稷壇西

明萬曆四十一年十一月知縣郭增光創修

歲以春秋仲月上戊日致祭

祀先晉司晉先農郵表罽貓虎

濰縣志稿

卷九 營繕 壇廟寺觀

十一

防水庸百種

馬神祠

縣政內偏府

歲六月二日祭

現設縣中

獄神祠

監獄內東北角

歲二月十日致祭

石佛寺

縣治東南

宋咸平二年僧元德建明洪武十五年開設僧會司年二十四年作叢林永樂九年僧圓仙增修

現設小學

觀音堂

亦名皇姑庵

東北隅梁家巷

金大定年間建

住持尼僧覺梵臨濟派

增福堂

亦名觀音堂清道光間改名蘊

西南隅

明成化壬寅重修清道光間再修

現設西南鎮公所

空寺

觀音大士庵

西北隅

清康熙十二年尼僧寂傲  
增修即古觀音院舊有金  
大定時鐘俗因名撞鐘院  
鐘今在望海門樓中木像  
彫刻極精

觀音堂

南關大街南首

明成化庚寅知縣宋慈君  
倡率邑人重修萬歷三十  
九年又重修

現設公安  
第一派出所

準提菴

北關

清順治十三年僧人普心  
創建

住持僧人  
興林臨濟  
派

地藏王廟

北門外

清嘉慶四年重修

保安廟

東門外

清光緒三十年建

住持道人  
崔太保華  
山派

濰縣志稿

卷九 營繕 壇廟寺觀

十二

觀音廟

萬年橋西首

清康熙五十年僧人道吉  
募建

碧霞宮道  
人兼管

送子觀音菴

東北關侯廟內

清順治乙未邑紳陳調元  
創建

王母閣

東關南

清康熙九年建

禪堂現設  
明新小學

觀音閣

東關九曲巷西

明萬歷九年建

住持道人  
趙玉祥華  
山派

白衣閣

今改為凌雲閣

東關奎文門內

明萬歷己酉建清康熙十  
二年癸丑重修

三神廟

東關韓家堦

明萬歷三十八年建

現設學  
校

觀音堂

東關觀巷

明萬歷庚寅道士姜□□  
募建

現設公安  
分局

觀音廟

東關豬市口

清康熙三十五年重修

觀音廟

東關南  
溝街東  
首

清雍正五年重修

觀法寺

舊在縣北

萊州府志云漢明帝十年  
按漢明帝十年始建洛  
陽白馬寺此間不得有  
觀法寺觀法寺見唐時  
僧圓仁行記建置當時  
在南北朝時

今廢

玉皇廟

高家樓莊

有元代石碑

關侯廟

北三里莊

明崇禎時元勳建清康熙  
三十八年六月重修

修貞觀

浮山一區

元時建詳見金石

今廢

唐明宗祠

浮山西南

建立年見金石

濰縣志稿

卷九 營繕 壇廟寺觀

十三

山

黃仙翁廟

黃山

明成化十一年知縣宋兌  
重修

天齊廟

樓子莊

唐時建有礎碑未詳何代

三官廟

陳家廟子莊東

明嘉靖七年建

現已傾圮  
遺址尚存

洪鈞無極廟

軍埠口莊東

清康熙五十四年重修

三聖祠

范家莊南

清康熙二十九年創建乾  
隆間重修

三官廟

崔家莊

明萬歷間創修

龍泉院

平壽吳家莊西

金大定四年建元正統九  
年重修雍正四年乾隆三  
十年重修

洪福院

程符寺莊東

金大定十七年重修明嘉  
靖四十年清康熙五十年  
七年乾隆九年重修





關侯廟

董家楊  
清道光十七年重修

三元廟

北韓家  
明崇禎十七年建

玉皇閣

固堤鎮  
明崇禎十四年建

鎮武廟

王家埠  
清嘉慶元年建

天齊廟

李家埠  
清同治年重修

東嶽廟

孫家楊  
元至元二十七年重修

龍王廟

一空橋  
明成化二十年建

碧霞宮

皂戶莊  
明天啓元年建

興化寺

固堤鎮  
明洪武十三年重修

福聖院

原名為孟遐寺

董家楊  
相傳唐時所建有唐槐一株  
宋政和五年重修

濰縣志稿

卷九 營繕 壇廟寺觀

十五

壽聖院

東院莊  
元時建

後院  
改建學校

觀音廟

張家埠  
明永樂年建

觀音堂

大橋頭  
明嘉靖年建

觀音廟

馮家楊  
清同治十年重修

觀音廟

紙房莊  
明萬歷年建

觀音廟

魏家溫  
明天啓二年建

菩薩廟

北泊子  
清康熙三年建

二郎廟

北楊莊  
宋慶歷五年建

住持僧人  
本會臨濟派

菩薩廟

魯家口  
清順治八年建

彌陀院

辛莊  
清雍正六年僧人了心創建

現改設學校

報恩寺

固堤場

元至正間建

今圮

白衣菴

流河莊  
以上第五區

有木像雕刻甚工

府君廟

張氏莊

清同治二十二年重修

住持道人  
李派別未詳

府君廟

寺夾莊

元大德元年建

玉皇廟

東楊家  
埠莊

清乾隆二十五年建道光六年重修

住持道人  
賈志盛華

玉皇廟

毛家埠  
莊

明萬曆四十一年七月建  
清康熙五十三年道光十四年重修

泉神廟

馬宿鎮

宋大觀中建後圮元泰定四年再建

濰縣志稿

卷九 營繕 壇廟寺觀

十六

即靈霈侯神行祠

三娘廟

三娘廟  
莊

清乾隆年間建

住持尼僧  
能貴臨濟派

龍女廟

雙廟莊

明天順二年清康熙八年嘉慶十四年重修

雲臺山廟

寒亭鎮

明正德元年建

住持僧人  
禮福曹洞派

古月菴

寒亭鎮

清嘉慶間重修

現改設學校

興福院

陳家地  
方莊

元時建清雍正四年重修

住持道人  
李派別未詳

海蓮寺

朱茂莊  
以上第六區

明萬歷年建清光緒二十四年重修



文昌閣

南流

清道光二十七年重修

東嶽廟

南流

明正德十一年重修

以上第

王母宮

九龍山

清康熙七年重修

住持道人  
派別未詳

麥神廟

草廟莊

清乾隆時道士劉德宏募  
貲建

永慶院

張路院

明洪武年間建隆慶二年  
重修

萬象寺

楊莊

元時建

觀音廟

二十里

清康熙二十四年二月重  
修

關侯廟

石溝河

關侯廟

後寧家

濰縣志稿

卷九 營繕 壇廟寺觀

十八

以上各  
廟均為  
規模較  
大者其  
小者從  
略

安萬山修文廟儒學記

禹貢濰在青州之域春秋齊之疆也歷代沿革不同或為郡國或為州縣國朝  
為縣治東有孔子廟在焉前守周通所建也繕修不繼日入於敝成化庚寅宋  
侯紹東來尹茲邑顧其敝陋亟欲從事以歲不登而止越癸巳歲和民阜侯乃  
謀於僚佐一新之市材鳩工次第興作大成殿後東西廡皆因故益新琢石為  
櫺星門用圖堅久飭聖賢像以正厥位惟明倫堂狹隘特改作之後創講堂三  
間與前堂稱上以義倡下以義從工不兩月而訖予聞自昔為天下者尊用聖  
人之道以為教則人才可興風俗可厚舍此而言治非利則詐矣我國家自祖  
宗之世崇重聖教濰縣有學肇自洪武開國之初迄今百有餘年宋侯不費於  
公不勞於民俾其煥然一新可謂知所當務者矣故夫學於斯者必思道之所  
以為大而不可忽體道於已而不容怠處也有以敦乎孝友睦婣之行而風俗  
益美出也有以任乎民社之責而治化愈隆庶有以副聖朝作養之意與夫宋  
侯之用心也已

掖縣毛紀修濰縣文廟記

古先哲王設教致治莫不建學立廟以為崇聖育才之地傳曰凡始入學必釋  
菜於先師禮固然矣肆我聖祖統一區夏誕敷文教首詔郡邑興學宏規大訓

著在琬琰尋命天下通祀孔子而廟制獨仍前代之舊遯自王祀以來迄今千有餘年諡號侑豆之加益隆以備而不替蓋聖人之道之在天下如菽粟布帛然民生不可一日無者萬世而下崇德報功之典實異羣祀固天理之在人心有不容泯滅者如此韓愈氏論自古不得位而得常祀皆不如孔子之盛所謂自生民以來未有如孔子者賢於堯舜遠矣此其效與其亦善言聖人者矣是以薄海內外聲教漸被揖讓俎豆之風無間遐邇才賢輩出世道攸賴夫豈無所自哉濰為東萊屬邑廟學之建歷歲滋久漸致湮圯教諭張君材乃以繕修請於巡撫王公伯圻允之時楊君宜來知縣事公遂以屬之君慨然曰是非吾責耶乃物土方摠材用計徒庸鳩匠分役筮吉從事其大成殿櫺星門兩廡凡之漫漶者塗飾之輪奐翬飛嚴嚴翼翼不踰時而煥然改觀矣復以餘力修創鄉賢祠及公宇城堤倉廩等所用不至費而下不知擾工昉於嘉靖戊子春正月是年秋九月告竣向非楊君召為內台御史張君擢國子學錄而去繼令於濰者圖予文記茲成績適楊君召為內台御史張君擢國子學錄而去繼令於濰者為孫君應辰亦才志向進者亟欲刻石樹之學宮爰速予一言夫學必有廟以祀先師雖曰不忘本始之義實以聖人者學者之標的將以慎其向往也蓋學也者所以至乎聖人之道也聖人者盡性焉爾彌綸參贊皆其性分內事也後之學聖人者無他亦曰率性而已今夫五常之德人人具也不賢智而豐不愚不肖而嗇聖人之所以聖學者之所以學不外乎此苟能率是性焉聖人之道其庶幾乎顧世之學者往往求道於言語文字之間抑未矣夫聖人猶天也天何言哉四時行百物生道自著矣夫子之文章可得而聞夫子之言性與天道不可得而聞固於文章乎見之然則聖人亦何貴於多言哉要之惟在於躬行

# 濰縣志稿

## 卷九 營繕 壇廟寺觀

十九

實踐焉是急耳凡學於此者使六經孔子之道講明於天下後世者務見之著實效焉而不徒事於科名利達之場斯其為聖人之徒與則於先王建學立師之良法美意與我國家重道崇儒以教化淑人心者豈為文飾之具也哉若夫有司之作新與否於聖人道固無加損然其興廢舉墜所以妥神靈振士氣上裨清廟之化詎可誣與若楊君輩亦可以為難矣故為書之因廣其義告諸游歌之士用相與慎其嚮往云

邢侯重修濰縣學碑記

賜進士第文林郎北直隸保定府祁州東鹿縣知縣邑人楊琦頓首謹譔郡縣學於有明為倬凡雄潤腴表以逮宮牆頻壁階級各祠蔑不層構莊嚴高大聖人之居無非光我邦家輝我俎豆以故今上聖治道隆推本先師承列聖之典不襲封爵發少府之藏崇宏殿宇命及清朝卿士咸獲處助俸貲美號綸章風示郡國但邇自孔賊稱戈海上久無寧日兼之夷虜窺伺 屯聚宇內多事若選將厲兵未遑迺屢 功令所申特孝弟力學為急無非一念尊禮先師至意所懇也我濰邑侯邢父母地居衝疲軍興騷夙夜補苴亦殫厥心揉曲為直若目覽手判之云劇課刻限至朔望次日之有期豈非殷憂深于根本而宣化仰答乎君父威靈外撻何如文教琢磨砥礪多方自有杰材倍出乃顧式化之地聿聳入廟之心徐歷視兩廡拾級升廟下乃遍堂之左右藩壁地拔梁桷秃缺赤白之飾黝昧不鮮致令垂教萬世几案之間不蔽風雨盛朝尊寵環堵之內莫措琴書從來文物之邦淪于僻陋度非聖天子之所忍曩時締造之艱獨為凌夷愈深賢父母之興思業已蠲貲聚財凡百設處涓日鳩事刻期厥成琦並切寸衷首為聲義諸鄉紳通學拊慶咸願出膏 埤匠斲用蚤揭虔妥靈始則金惟一鈎木惟一寸磚惟一口石惟一卷終則鈎積百鎰

寸積百樟口積百行卷積百雉臂之俗作佛事願力各堅諸凡殿廡門堂啓聖  
等祠有侈剝不理者則讐切端正之宜補葺者補葺宜更張者更張歷二載事  
竣今而後科名盛于茲鼎一新包盡一卦變動之象文運趨于火規模重飭  
奠立五土生成之功矣上以答聖天子崇先師之意下以彰文士不忘本之思  
謹鐫貞珉昭示來許若夫整飭怠無俾制湮則坎坎之斧登登之杵又琦願  
後世所樂聞也已

賜進士第文林郎知濰縣事邢國璽縣丞路國士洪四達主簿光裕  
典史湯應時儒學署教諭郭允升訓導王體敬

崇禎十年十月十五日之吉邑庠生劉金鯤沐手謹書

重修儒學碑記  
覺宮之設由來久矣粵稽歷代帝王紹天立極握符御宇詔天下郡邑崇建學  
宮方內壹規殊俗同風凡以尊隆先師作興人才報本遡源胥於斯焉我  
大清定鼎燕京百務未遑先勒修成均舉大成之廟貌而鼎新之於是闕宮  
雄峙京師帝王之居比隆埤麗一時吏椽儒術士樂弦誦蓋將與歷代崇儒  
重道合符而較優矣爰逮我皇上龍御之八年嘉意釋奠之禮特遣使臣徵  
取衍聖公陪行祀典元也不才實賁詔書欽宣寵命其一時崇祀澤宮禮  
樂輝煌執經講藝有加在昔甚盛典也至縣學與國學等凡殿宇之巍峨宮牆  
之巖自當體聖天子崇重大道作養人才之至意而一道同風之不可爽  
我濰之學宮由來規模宏敞伽闕實頗盛於當年近以地震爲變兼以風雨  
侵蝕庭楹之美富淪於瓦礫門牆之傾頹喧聯市廛甚非所以妥侑神靈而  
尤非圖橋思樂之大觀也我邑侯盧父母課士之暇拈香之次乃毅然興思

# 濰縣志稿

## 卷九 營繕 壇廟寺觀

二十

日俎豆之區荒陋難堪此有司之責也乃大捐俸金謀諸兩學先生及諸縉  
衿而從事焉卜吉興工命之曰功期於宏毋惰於省制期於久勿墮於亟我將  
偕觀厥成焉於是五材雲會羣工霧集凡棟梁榱桷木工之朽者易之凡藻綠  
丹繪工之黯者飾之凡甌瓴甃甍陶工之殘者整之凡壁璫螺首碣楚級  
金石之工缺者補之於是大殿明堂美輪美奐兩廡三祠若揖若拱戟門泮池  
鼎新而廓星坊屏壁有伉而鏘鏘肆今壁若藏書堂若聞樂煌煌聖祠於焉  
峻奔濟濟人才於焉培育我多士揖讓其中低徊靈跡仰慕道範遠接聖神  
之令緒近揚昭代之洪庥所以於論鼓鐘而蟬聯甲第不在茲歟是役也上  
不動公帑下不擾里甲啓工於康熙十九年八月二十日告成於康熙二十  
年七月廿二日維我侯循良卓異恢崇文教以規畫於始兩學師振勵激揚  
丕樹風聲以協贊於中兼多士拮据經營庀材糾工以告成於終此一邑之休  
光千秋之鼎盛敬勒之貞珉以傳之勿斃云 峇

康熙二十一年七月二十二日  
賜進士儒林郎行人司正前刑科掌印給事中陳調元撰

知濰縣事盧公諱豫字如癸卯科舉人北平人  
儒學教諭楊公諱毓生字萬資丙午科舉人益都縣人

儒學訓導魏公諱尊字益卿癸丑歲貢縣人  
縣丞李公諱名進字傳臣戊子科副貢眞定縣人

現任縣丞劉公諱方直字顧名甲午拔貢清苑縣人  
典史齊公諱邦傑字子臯山陰縣人

巡檢司章公諱德隆字麟趾會稽縣人  
朱 紱 王福永 鞠 琰

儒學生員總理其事 劉杜朋蘭 郎陳運新 王興國 苑振宗

夙夜勤勞以董其事 生員 王鼎 劉元輔 杜我震 趙壁 益都縣石匠 仇青玉 劉守玉

濰縣重修聖廟碑記

孔子之聖參并天地而自天子之都下至郡邑咸貌其神于學宮而專祀之者尊所師也千百世君子遵用典禮拓舊營新備物致敬以單心祀事曰維尊孔子也而人材之仰感俯奮恆由于是焉濰之廟學于前無攷宋承五季兵燹之後詔天下立學其時多未奉行南渡後地屬于元至元人混一始即金之考院舊址創為廟與學蓋文教之興若此其難也有明因之歷二百七十年其間增闕葺敝不為無人然陋者存之舛者襲之未盡愜人心而光典禮也我朝列聖繼承所以尊孔子者無弗至異數曠典千古罕儔五代褒封髯髯王者追王上祀之禮尊聖人而及其所尊何厚以遠也嗣是春秋合享報德報功其祠為崇聖濰學崇聖舊祠則在殿隅之西與名宦鄉賢兩祠前後同列檐楹庫下階不除非所以尊聖人之所尊也今上御極之三年粵東賴侯來尹于茲謁拜之初慨然于廟中之禮而又見殿廡堂亭風剝雨蝕頽者不扶腐者不易生徒露立請業而歸不得朝夕先生之側也曰是皆吾責也夫越二年民和歲稔迺程材計力詢謀僉同捐其俸以為邑紳士倡邑紳士亦靡不懽欣從事率侯教也爰卜遷舊祠于廟堦東北別為一宮垣墉門屏崇且煥矣由大成廟而兩廡而戟門瓦棟既新再于門內置齋房一庫房一門外置省牲庖廚所又各

濰縣志稿

卷九 營繕 壇廟寺觀

一備祀事也殿之北舊有一堂一亭左右廡舍通使整飭完好為師生居游講習地邑人曰是亦可矣侯曰未也聖賢遺像為多士瞻儀纒旒龍火之文其有不式于禮者尚當敬以易之七十子而下從祀諸儒其于古于今品定之不一者尚當考詳而序次之于是肇工自辛酉之春凡週數月而工始就時值仲秋上丁侯率僚佐及博士弟子行釋菜禮告成事焉邑人曰是役也其自元迄明所未有乎吾邑人士其自此譽髦烝烝乎昔李鄴侯繁刺處州首建孔子廟學韓吏部記之歌之謂其政之知所先也今亦做其意以歌之可矣歌曰茲維廟學我侯新之匪侈其華秉矩合規聖人之德包乾絡坤溯厥本始神靈有源翼翼新宮俎豆分陳以慰聖孝以覺後人於粲洒掃神斯右享多士踰躅日月瞻仰迺濯其纓迺結其佩言觀其旂是從是邁繫維我侯為聖人徒夙夜匪懈治道歸儒農慶于野士樂于庠琢詞碑石俾後無忘己酉科京闈舉人揀選待次知縣職邑人朱若賓撰記

儒學 生員 郭偉勳書并篆額 安邱生員徐滢鐫 大清乾隆六年歲次辛酉十一月 穀旦

重修濰縣學記

安邱生員徐滢鐫

濰陽為東萊入境之首邑也地沃民饒風俗粹美以文章道德名世者代有偉人其扶輿清淑之氣所鍾抑亦崇儒重道之風至今未艾與邑之文廟創建於宋而盛於有明迨我國朝順治以來屢加修葺歷有年所旁風上雨日就傾圮大懼不任以墜教基誠守土者之責也乾隆壬子秋廣文趙程二君與其邑之紳士建議維新而余亟贊成之於是鳩工庀材集眾趨事有獨肩其任者有分輸其力者起其廢墜補其敝壞舉凡堂廡寢筵構櫨椽桷門泮池與夫鄉賢

名宦各祠宇莫不壯偉閱巍然炳然兩閱月而告成是所謂材不賦而羨匠不發而多吁何其周且速也夫學校者王道之本士有聰明淳茂之質而教非其地則學不成今則講肄有堂藏經有閣几筵豆鐘磬笙鏞燦然大備邑中子弟以時習禮其間將見蓄道德而能文章者日彬彬其蔚起他日列廟堂宰天下舉而措之以觀王道之成其在斯乎其在斯乎是為記

署教諭程尚義  
訓導趙德成  
典史方震初  
縣丞姜文驥  
巡檢王侃

大清乾隆五十七年十月  
日穀旦

劉鴻翱重修濰縣文廟記

濰縣文廟之重修翱撫閩未得襄厥事乙巳夏謝病歸里祇謁聖像仰殿宇之巍峨矚泮池之宏深內而崇聖祠逮兩廡大成門櫺星門外而兩坊一律煥然翱謂夫子之廟在天下天下之人莫不尊仰莫不知起而更新之也而吾濰尤要何也昔者夫子嘗登泰山矣嘗嘆道不行乘桴浮於海矣禹貢海岱為青州九州分野濰星度躔青州域界海岱之間春秋時屬齊夫子在齊八年濰乃稅駕之地沒世後夫子神靈應常駐焉或曰夫子未嘗至濰太公封營邱濰即古營邱中葉徙都臨淄夫子在齊宜在臨淄或曰晏平仲萊之濰人夫子與之交最久故稱其善交其人必過其里居夫子未嘗不至濰孟子曰聖人百世之師也聞伯夷柳下惠之風百世之下莫不興起況於吾夫子乎況於親炙之者乎晏平仲親炙夫子者也濰誌所載宦績傳自王景略以下高士傳自管幼安王彥方以下徐幹作中論歷代之儒術傳附焉王哀廢莪詩歷代之孝行傳附焉論古堂合祀多至三十人皆吾濰豪傑之士聞聖人之風興起者也夫聖人

# 濰縣志稿

## 卷九 營繕 壇廟寺觀

之道如泰岱東溟根乾坤艮故精氣極山水之廣大不測而不可幾而及也而鄉先達譬吾濰程符鳳凰雖培塿亦分泰嶽之卷白狼寒泥雖非巨川亦源泉滾滾不舍晝夜曲折終達於海也望岱者必陟其麓觀海者必尋其委鄉先達聖道之梯航也夫子嘗至濰矣海岱邇焉由鄉先達上志乎聖或陟麓或尋委學者之望岱觀海其不在茲乎故曰廟之修於濰尤要也是役也經始於道光年月日告成於道光年月日封翰林院編修進士王延年勸衆紳捐金國學蒯麟生專督工二君可謂知要矣

光緒二十九年重修濰縣學記

曷為聖人之道仁義中正而已矣曷為閑聖人之道審求其是抉去其非雖夷狄患法術刑名雜霸功利而已矣曷為閑聖人之道審求其是抉去其非雖夷狄患難造次顛沛之際不為利疚不為威惕斷不使枉尺直尋之見毫髮遷就於其間而成敗利鈍禍福死生之說不與焉周子曰天下勢而已矣勢輕重也勢者學術之由盛而衰所積也閑聖人之道者識其重而亟返之者也國家承平二百餘年尊崇聖人之道卓越前古自京師以至府廳州縣莫不有學春秋上丁教官督率弟子員釋菜於先聖先師而仰止景行焉以故名世醇儒以一身而肩斯道之統者史不絕書乾隆之季二三鉅子大抵祖述宋之哲學以博通古今為當務之急而俯視言心性諸儒以為空疏無據而諸儒之闢異端崇正學者概斥非為有門戶之見而詆毀之不遺餘力而又自逞胸臆變亂是非往往於是中求非而使古今之學道者斲之完人非中求是而令天下之失身者無小人無非掇拾告子食色為性之唾餘以圖便一己之私以致是非不明廉恥日沒齊黑白混邪正天理人欲渾而為一此所以夷狄乘釁而入怪說肆行衰民



大起嗚乎誰生厲階至於如此有心者所以瞻拜覺宮而失聲長號者也  
之有學蓋自宋始我朝自道光壬寅重修後迄今五十餘年漸就頹敝光緒戊戌教諭鄧君振翹訓導呂君鍾岱知縣李君務滋暨紳郭君祐之張君仔陳君阜丁君毓庚各首先倡捐建議重修凡士著之殷實者又廣募而飲助之會海疆多故震驚繹騷購斲顏山動需時日呼應頓當勞事疲癸卯春袁侯桐泣任靖內鎮外不懈益勤虧篋盈仍迺蒞厥事且夫君臣父子夫婦昆弟朋友無聖教以維係之則不可以終日不幸而世道衰微邪說暴行有作凡有血氣者皆思起而閑之閑之如何亦視其勢之所重而亟返之已耳歷觀古之豪傑隨時補苴時而邪說誣民則有若孟子之距楊墨時而夷法惑世則有若韓子之闢佛老時而義利雙行王霸並用攬金銀銅鐵爲一器則有若朱子之書札往來駁辯而巳至於戎狄是膺荆舒是懲又豈獨周公膺之哉即士君子之稍知自愛者未有不斥爲無父無君者也而或者曰一介之士不自量其力輒思爲螳臂拒轍之舉豈惟無補於聖教哉韓子曰且見其身之危莫之救以死也則應之曰惡是何言與董子不云乎正其誼不謀其利明其道不計其功諸葛武侯有言漢賊不兩立鞠躬盡瘁死而後巳成敗利鈍又孰從而逆觀之周子曰力而不競天也孟子亦曰若夫成功則天也亦勉盡人事而已矣既落成呂君命予記其事呂君經理斯事始終弗倦爰齋菴爲文以復之邑人張昭潛記于吉文書

三教堂記

濰城之南十里許爲市場社花氏族居焉其地北枕岡阜東帶河流烟村連絡林木森蔚民鮮災沴歲比其有成曰神明之庇弗可忘報於是花君富轍捐地出貲創祠道左塑孔子佛氏之像名三教堂凡正殿三楹東廊三楹西廊

濰縣志稿

卷九 營繕 壇廟寺觀

三楹外立大門門上有樓樓內植虞業懸鐘磬四圍有牆其基長一十二丈八尺闊四丈八尺廟貌既飭賽禱稱便迺請文劉子爲不朽計劉子曰三氏之教一邪其位列若是班邪抑果能禍福人邪其禍與福果隨所賽禱邪孔子之道中老子之道玄佛氏之道空中道求於五典之內玄空驚於八極之外是故孔子之教爲世道設也佛老之教自爲長生地也道之偏全術之詭正感應禍福之有無蓋無俟智者辨矣雖然世俗之畏神甚於畏法信神堅於信道使夫人過祠下瞻孔子者曰吾懼獲罪名教焉禮佛老者曰吾懼獲罪仙靈焉退而惕惕焉惟善是力積德罔愆休祥應之矣嗚呼允若茲謂三氏之能錫福宜也其並祠而祀之也亦宜也

賜進士出身中順大夫知河南懷慶府事前戶部陝西司郎中同邑白川劉應節識

邑庠後學誠所周懷魯篆

存謙勳

建廟市場社東阜居士花富同室劉氏男

存義孫熙

存信衡

大明嘉靖三十七年十月吉旦立石 住持大戒沙門興全 鐫字匠劉添祿

孔融祠記

東漢孔融氏由中軍候遷虎賁中郎將會董卓廢立數正言攻之卓乃諷三府同舉爲北海相今濰縣是巳時黃巾寇數州惟濰最爲賊衝實欲陰傷之公到郡卽收士民起兵講武賊雖屢至屢敗其民賴以安戢無事且爲制城邑立學校表顯儒術薦舉賢良郡人無後及四方遊士有死亡者皆爲棺槨以歛葬之在郡六年政聲赫然四境之人被其惠化之深相傳累世猶歌思不忘宋政和

間濰守韓公通守慕容公為立祠以慰濰民之思又作論古堂於其西用祀濰  
之名賢君子如學術則有逢紛庸譚郎宗鄭康成甄宇徐房徐幹孝友則淳于  
恭王哀王閻呂元簡節義則禽慶王修杜松質正直則牟融周澤王儀是儀韓  
熙載操尚則公沙穆邴原王昕隱德則逢萌管寧知人則郎顛高構高義則孫  
崧劉敏元政事則滕撫張允濟共有三十人皆合祀於堂俾鄉人有所感發效  
則歲久傾圮惟孔融氏存焉迨我朝立國百有十年令邑者因法令弗及置而  
不議成化戊戌適麻城宋侯紹東出尹茲邑顧堂已久廢祠亦敝壞乃謀於僚  
佐募於富民鳩木集工合建一祠計五楹而周以垣凡器用皆備又議以漢之  
朱邑杜密唐之竇瑒李邕趙居貞宋之許仲宣楊美張燾韓浩皆素有治聲於  
濰者與孔融並塑像以正其位旁列紛譚以下諸賢配焉更名曰賢祠擬歲  
凡祭丁畢尹率僚屬諸生徒從事於其間祠成乃走使京師徵言以記其合祠  
之意予謂諸賢之功名節義道德文章皆炳炳烺烺載之國史傳之天下後世  
凡世之欲為賢人君子者未嘗不起慕起敬而視以為則況濰之士沾溉其  
流風遺韻既久且專豈無感發而興者乎亦為長民者鼓舞倡率之何如耳侯  
於法令之所不及者猶能惓惓如此其於民事之所當為者從可知矣繼此以  
往使遠而任乎是邦者能法諸賢之政事以化民則治效可得近而生乎是邦  
者能法諸賢之行誼以修己則民俗可厚其於世道未必無補也詩曰高山仰  
止景行行止予當書此以俟焉

大明成化十五年歲次己亥季夏吉旦立

承事郎濰縣知縣麻城宋兌

迪功郎縣丞隆慶馮純

儒學訓導海州陳琇

# 濰縣志稿

## 卷九 營繕 壇廟寺觀

二十四

賜進士及第

議大夫吏部右侍郎前少詹事兼侍講經筵官同

國史華容

黎淳讓

賜進士第奉訓大夫戶部員外郎西蜀張禎叔篆

重進士第徵仕郎中書舍人壽昌徐莊書

大漢之末桓靈失德四海鼎沸黃巾蜂起塗毒幾遍天下豺狼波及濰郡當是

之時守郡者聖裔孔北海也告急一使義勇電馳半天霹靂震烏合狗鼠

狼奔百姓歡呼脫離水火人傑共席把杯談心於斯時也藁爾濰郡亦何

此精忠貫日氣節 侶會聚此方而蒙其澤庇也哉厥後 帝盡至于

蜀漢之先主 公門滅于欺君之曹 其忠直 足以 帝千古廟

祀萬世者也况我濰本為援溺拯焚甘棠遺愛之舊邑哉則 帝廟孔祠比邇

並建者蓋 當日患難共事互相契洽之情也茲何代更 帝廟孔祠比邇

跡滅若此嗚呼人心竟思 北海孔父母之德之澤耶 雖或 訖

之父母而父母未嘗不垂念千餘年以下之子民也觀其 帝廟 雖或 訖

夜即夢 院側現有北海祠及往視之冠烏衣綠與夢所見無少殊 之

固已 矣人皆曰黃巾之亂守濰者 北海也解北海之圍者 固無足異

難之交千載莫忘 公之欲祠於斯 帝之欲公之祠於斯理有固然無虛

也雖然我濰自黃巾而後幾經大難而皆得 全公之默為 者誠無虛

豈特 公之欲祠於斯 帝欲公之祠於斯凡濰之知 帝公者亦莫不欲

公之祠於斯也重建之舉濰人誰無同心哉而何 有是夢或曰想也形

神不接而夢豈想也耶抑或 也東坡 有既將謂 關帝之

廟 故因而有是夢歟抑別有感召之理因而夢警而 是祠

之建神 而 日 以 夢也斯則其所記者 弟子丁許誠率姪劬錄全述立

陳調元節義七女神祠碑記 四月丁巳吉旦

昨者吾父母之鼎修澤宮也於以雲蒸人文而颯起甲科也其意義勤且篤矣

而繼遂創建節烈之神祠夫女子輕塵細草而顧敢比例於尼山杏壇乎噫其

義一也此亦明倫之大關而教化之根本也自古王化起於閭門而人倫先於

內則則此七烈者其志堅於金石其品重於琳琅固能為此身安心立命也宜

祀也且陰教類矣閭範墜矣而此七人者取大義而振之使家置以傳姆人訓

以盤匱是能為千百世婦人女子安心立命也宜祀也且今日之世風靡矣節

義衰矣而此七人于江河之日下而一柱砥之士而學此則首陽臣而學此則

龍比此又為千百世之聖賢經傳安心立命也宜祀也且濰邑彈丸區耳而諸

女深閨鬢髮耳乃以此震天地泣鬼神之奇節比肩接踵纍纍貫珠在閨門直

如穿衣吃飯家常日用焉則何也謂非神君之風化不能振作至此謂非風化

之入深而何以萃聚至此吾今而思我父母之政蹟錢穀之項報完逃盜之案

無累此足盡今日之考核矣即古之三奇十異謂漢庭之卓異極矣而今以周

岐之雎鳩蒼梧之丹雀此真女中之祥麟威鳳而雉馴虎遁何足言也而今亦

青漢之喬葉瑤台之貞蕤是以國瑞之瓊蕊金莖而禾蕙麥岐又何足言也吾

不敢知御屏記名夾帶記姓外而採風內而考功置此政狀于何等而今日廟

宇崔巍神像莊嚴濰人士懽聲鼎沸口碑雷轟謹卜日之中秋之望開光展奠

此烈女之芳踪可以不朽於千秋而我侯之德政教化亦可不朽於千秋矣行

見潔性粹陳俎豆率闔屬致奠于七節之座前而進迎神之辭以昭告之辭曰

濰縣志稿

卷九 營繕 壇廟寺觀

姻多閨秀殉殞身計三載得七人考祀典肅明榷飭廟貌美奐輪卜吉日擇良

辰陳俎豆苻芷蘋竭齋戒格衆神之姿幽以清堅如石潔于冰神之節皎而

冽峨岷月姑射雪神之侶比比蓋簪菊同秀蘭並芬班玉笋聯珠瑣神之會排雁

行各異姓合一堂列姊妹比琳瑯神之像溫而厲冠青雲帔紫霓跨青鳥駕赤

螭張蓋引羽旗神之座牧以謙遜左右動周旋歛衽就几筵謹課獻考鼓

鐘凜對越秉肅雍生也英死也靈上於昭下燕寧佑國祚獲二十年豐此故土神所

生此靈座神所憑千百載祀事明列河嶽炳日星時康熙二十一年歲次壬戌

八歲迂儒陳調元頓首撰

重修關公祠記

濰東郭舊有關公祠建置之始無考也祠規制不闕而崇嚴邃密稱為里中巨

觀土人歲時享祠惟恪正德中值薊盜流劫居人蕩於兵燹數年之中祠乃敝

壞門垣棟宇摧頹及半乞人宵暮狼藉其中祠側有王母祠盡傾圮僅存其

像居人蘆覆之以禦風雨余童時猶及見之迨盜平又數年先伯大父松乃謀

諸里人張大用等聞之良吏謀國良民謀里向也里嬰多難吾儕存否叵測何

有於祠茲既幸寧厥家矣而祠獨就圯非里人之耻耶盍合力而葺之僉曰唯

唯於是乃糾同志者各捐貲得金數十既而向義而施者鱗至輻輳爰是命期

度用鳩工集材徹敝壞易摧朽嚴繕庀華樸陋巨若棟梁細及牖戶一石一木

必好必堅逾年而克卒事中大殿三楹前為抱廈左構小殿三楹以居王母

遺像前為三門門所斲石為坊以表之既又綴拾餘材營茅屋三楹於殿後以

待典守東拓為夾道便私出入是役也不替舊貫而新工益飭故堅完壯麗視

往昔倍焉時正德乙亥歲也工完將礮石記其事石具不果立嘉靖初余及兄  
磐兄濯弟臚偕同業者高第張國佑張兌陳光祚相與誦習其中簷側前石璞  
在焉因相約曰吾輩有登第者當置此已乃越二十餘年余始以癸丑登第宦  
途奔走者又幾二十年未克如約茲乃以謝政歸矣因遵述舊聞識之竊謂公  
亘古忠義士也誓恢炎祚未竟而齷志以沒其剛大英毅之氣必有不偕羣彙  
同聚散於太虛者故像公而祠之者徧寰宇焉夫公不以操之厚而棄先主之  
德將必不以私喜怒禍福於人世之欽翼承事公者亦非直私徼福利已也語  
云斯民也三代之所以直道而行也是故像公而祠之廢而修之修之於數十  
年之前而猶不忘記之於數十年之後孰非直道之在人心不容泯沒者耶嘻  
卽今而徵後則祠之終於不朽也又可知矣

王漸

隆慶六年三月念八日立

王漸

勅進承德郎兩淮運司同知前戶部郎中邑人劉廷錫撰

賜進士第資善大夫刑部尚書前兵工二部尚書總督薊遼保定軍務右都  
御史邑人劉應節篆額

武安英濟王有元之所勅封也濰安定門外城趾舊有祠祀王然卑陋無以示  
崇重我朝隆慶庚午邑庠生李時雍胡謙已同道士田真謐大舉興作工訖向  
余求記因憶曩時宦游維揚見馮子振所撰王廟記嘉其善道公心事遂述以  
爲記系數語於其後其辭曰大丈夫忠憤不酬於尺寸而廟食滂沛於九州功  
名不留於須臾而義烈感慨於千古長河之南大江之北陋之而偏迂之而  
僻縣枵然數十之衆輒哀金券地畚土伐木甯鶉衣百結不敢虛丹臚於雲長

# 濰縣志稿

## 卷九 營繕 壇廟寺觀

一十六

之祠祀甯蝸涎一角不敢乏牲酒於雲長之宮矧夫大邦劇邑人物充斥之  
鄉乎四百赤帝之璽睥睨於一旦徼倖之奸凶劉表無意於中原劉演殞命於  
幽朔卯金刀之胃僅懸其一縷之墜緒于樓桑大耳之衰宗雲長奮起河東與  
玄德遇自爾周旋艱險投問抵隙之會未嘗不身親其間識者謂誠顏良於白  
馬之圍不如破貉孟德於赤壁之鬪爭魯肅於益陽之瀨不如降于禁於襄陽之  
攻勳業垂成貉夏爲厄有志之士蓋深悲之嗚呼劉玄德展轉於公孫羈縻於  
呂布棲遲於袁紹進無容足之地退無寄跡之穴四方響應之乍合乍散乍  
奔乍虬殆不知其幾矣而雲長不肯去去輒復返古所謂主在與在亡與  
亡者耶人問世梗梗視百代之夫後雲長千數百載所以願爲之執鞭不慕王  
剪敵萬人慕王之雄視百代之夫後雲長千數百載所以願爲之執鞭不慕王  
擊一而之荆州其拳拳向雲長之心者特以其當賊操九州之地已有其七之  
時伎窮力殫獨不忍背棄流離顛沛之玄德耳彼張翼德亦若是矣英魄凜凜  
雖死猶生廣陵之城隍西廡舊構祠嚴祀雲長甚謹予是以王之平生素  
如是併書之廷錫曰遐想漢末羣雄競起曹瞞恃其詐力睥睨神器雖以昭烈  
之德諸葛孔明諸臣之才猷忠蓋終於漢賊兩立不能匡復卯金故物蓋天數  
也何諸家志三國顛倒是非予奪悖謬綱常世道曾不顧惜其何以訓幸紫陽  
朱子做春秋作綱目乃黜魏進蜀接承漢統書法凜然萬世之公論始定矣此  
不備載也

萬歷五年歲次丁丑夏五月十三日立

鄉宦劉廷錫撰詞

道士田真謐同諸鄉人下世張子成修王廟宇成鄉王傳趙偕太學生  
宋繼魯倡率之宜先列令尹崔公給券許道士於城堤上菜茹資奉香火

末學胡謙已與展成短句用旌企慕之誠云  
炎光既失照羣雄如亂蜂曹瞞首神器在掌中天王任簸弄鬼域心何窮  
謀勇徒侶繁誰能與爭鋒涿鹿軒轅國乃生大耳公關張乘時起盟誓來相從  
雲長氣蓋世稱美髯翁鐵馬走中原斬將如飄風孟德慕其賢厚遺結懽悰  
玄德卯金胄義與伯仲同艱危俱不論佐成扶漢功奸臣天紀春秋法不容  
僉謀迎師相南臥龍荆襄控千里目中無偏安吾欲問蒼穹  
操臣有司無終城南穴陽地拓作忠古在入門自鞠躬  
世上旦暮作詩告道士慙

重修關帝廟記

濰邑縣治之左有漢將軍漢壽亭侯之廟其由來舊矣其地臺高數仞經緯數

十丈故老相傳以為漢儒北海郡守孔文舉之練兵臺也上有論古堂與其生  
祠在焉侯之廟巍峨壯麗高朗宏敞亦濰城一大觀也吾嘗即侯之生平論侯  
之行事其義氣之慷慨忠勇之激發不可殫述而自歷代以來或進爵為王或  
追封為帝亦云尊之至矣豈非其德與號有足相配者耶至於今每月朔望縣  
令率其僚屬備祭儀往拜祝焉邑之縉紳先生與夫四民之衆不啻數十百莫  
不往俎豆焉亦榮之極矣嗟乎侯果何為而功德之入人心有如是也相侯之  
在漢末也忠心輔國真見漢賊不容並立王業不可偏安而戮力中原夾輔王  
室豈非烈丈夫哉迨至大業不終身殉國難其功其德雖與日月爭光可也是  
以數千年來四海之內通都大邑窮鄉僻陋上至卿士大夫下至野夫娥女莫  
不尊之如天地仰之如父母豈特一州一邑而已哉而其庇佑我濰人若有獨  
厚者前代不可記憶即明末至今四十餘年間凡城郭村落慘暴於兵燹災  
之餘者不可勝數而獨我濰城依然村落如故民物繁昌禾稼豐稔熙熙羣嬉

濰縣志稿

卷九 營繕 壇廟寺觀

二十七

遊於光天化日之下者不可謂非神之福庇之也我濰人沾其恩慕其德率好  
義捐貲殿後修行牆數十餘丈每遇聖誕之日敦道會司水陸大會牲醴備具  
山海錯陳於今三年矣復鐫石以誌不朽非邀福也報德也邑之人求余為文  
以傳之侯之德非待文而傳者也而其德之大略則非斯文莫之傳也於是為  
文以傳之

王震起

康熙十五年五月

王震起

重修關帝廟碑記

濰城東北隅海道司巷舊有漢前將軍關帝廟一所有康熙三十三年邑人郭  
君一琪撰碑據云地當南北衝徑居人張克信穴壁盈尺塑關帝之像於其上  
後有黃冠李子雲遊至此矢願欲增大之志不克遂而去附近于姚二公慨然  
首其事以底於成增益數椽為殿為牆為門頓改昔日穴壁之規模此海道司  
巷關帝廟之初始去今二百餘紀猶歷歷可溯賴有郭君碑在惟是時代久遠  
剝以風雨上漏旁穿塑像闇淡無色過者感焉光緒初元丁公彝綬署山西鴈  
平道篆經關帝之故里感桑梓之舊廟欲重修焉不果其嗣君敦仁篤念父  
志捐貲為鄉人倡而廟之前後左右居民亦莫不樂善激公共襄義舉鳩工庀  
材不數日而丹青黝堊煥然改觀廟以內冕旒黼黻藻飾輝煌外有古槐一株  
偃亞山門心半空而枝柯茂密詎非惟帝之浩然正氣時為呵護凡物之托處  
於其地者亦相與盤根錯節而不遽朽歟宜後之人感發興起故廟將墜而復  
成是皆天理之自然人心之不容已者落成之日斫石記之以繼郭君碑識之  
後

戊子解元文登于霖逢撰文  
邑附貢生于銘書敬書

監修首事

丁肇吉 楊岷 王松  
毛忠齡 郎郡璋 丁敦仁  
郎郡珂 于文中 郎會慶  
杜在信 王泰慶 于彤書

于永年 姚象豐 徐希禹

大清光緒十八年歲次壬辰六月穀旦

重修關帝廟碑記

吾維東關魚市街舊有關帝閣祀漢前將軍漢壽亭侯關壯繆也創於明萬歷二十一年國朝乾隆嘉慶間屢修葺今將近百年凋敝殊甚光緒戊戌秋諸善士愍焉迺庀材鳩工凡闢缺者易之黜昧者望之者丹之臚之旁及龍神竈神菩提諸殿宇莫不巍煥一新庚子春工訖費錢至三千緡有奇諸善士輒石以待而請余為之記余按侯之家世史氏失載漢壽封邑考據亦疏曷於此重申之伏考漢壽本漢之索縣後漢改名屬武陵郡故城在今湖南常德府武陵縣東北魏武所表封即此其在四川成都府東南而蜀志費禕傳則云北屯漢壽何也通鑑胡注葭萌縣蜀先主改曰漢壽又按大清一統志表葭萌後漢縣屬廣漢郡蜀漢更名漢壽屬梓潼郡晉又改晉壽其地在成都府北當今保寧府昭化廣元二縣地故云北屯魏武所封在建安五年非此漢壽明甚石門吳震方讀書質疑謂漢壽在犍為即今之叙州府且引費禕遇害於漢壽為證則誤而又誤者也又考宋犖筠廊二筆載康熙十七年解州常平士于昌讀書侯故居之塔廟夢侯授以易碑二大字寤則濬井者得古甌有字讀之乃紀侯之祖考諱字生卒甲子也略云侯祖石磐公諱審字問之居解州常平村實池里冲穆好道以易春秋訓其子生於和帝永元二年卒於桓帝永壽三年

# 濰縣志稿

## 卷九 營繕 壇廟寺觀

一二十八

父諱毅字道遠性至孝父歿廬墓三年於延熹三年庚午六月二十四日生侯侯長娶胡氏於靈帝光和元年戊子五月十三日生子平其所載如此今世傳侯五月十三日生乃平也自是蒲州守王朱旦作關侯祖墓碑記錢唐馮山公景續成一篇有云天之生聖賢也必鍾祥於世德之家故大孝尊親咸思貽父母令名予嘗慨侯生而忠貞沒而明神廟貌徧宇內血食綿千古而其祖若考名氏獨闕軼無考侯在天之靈必有盡然隱痛者其臨文敬重如此雍正三年崇封侯三代公爵曾祖昭公祖裕昌公父成忠公易壯繆諡曰神勇典至鉅也余既諾諸善士之請迺為詳覆而復述於此所以普告世之人俾皆知所嚮慕而尊崇之蓋亦侯志也

### 邑人

張昭潛 薰沐敬記  
譚聿祺 薰沐敬書

光緒二十九年五月十三日  
慶賀藥王聖誕碑記

立

粵稽藥王韋姓慈藏其字也開元天寶中施藥濟世明皇立祠世皆仰為藥王云吾濰之有其祠也始特茆簷土壁耳歲至丙辰舍弟華庵關狹隘而寬大之易茅茨而瓦石之起傾圯而修葺之金壁聖像丹牘軒楹自是煥然聿新遂成邑中一大勝蹟焉然宇內之名勝何窮乎苟有創無繼則瓊宮琳宇其不淪為頽垣荒草者幾何耶此儒有紹述道重護法有由然也同會諸公有鑒於此戴其壽世之德爰慶誕降之辰年此日必目觸廟貌常使其顯奕也嗟乎藥非一端也致身以藥民社者矣道義以藥庸患者矣富貴以藥貧賤者矣錢穀以藥飢寒者矣同會諸公共矢此心於以廣藥王之功於以承前人之志躋世春

臺可於慶誕開其兆矣

戊午科舉人內閣中書郭一琪頓首拜撰

萊州府儒學生員邑人劉昌薰沐書丹

郭一璣 郭銓 郭遴 鄧勳 曹德先 呂福盛 王之菊 方有德

郭一瑚 郭嘉猷 郭迥 劉永長 劉美 田增 李應 劉元貞

闔會郭 鉉 郭 鎧 郭世爵 劉煥章 姜琳 呂盛 高如山 進美

李 鳳 李天長 陳 發 于 忠 劉 洵 何元明 邢 瑋 尹玉鳳

柴 金 孫崇要 王 順 王貫忠 吳多 展一奇

大清康熙三十年歲次辛未四月二十八日立住持道人張全整李真元

潘冲貴

青天歌題辭

石匠李 春鐫  
儒學廩膳生員盧玘書丹

青天莫起浮雲障雲起青天遮萬象萬象森羅鎮百邪光明不顯邪魔旺我初  
開廓天地清萬戶千門開太平有時一片黑雲起九竅百骸俱不甯是以常教  
慧風烈三界十方飄蕩徹雲散虛空體自真自然露出家月月下方堪把笛  
吹一聲響亮振華夷驚起東方玉童子倒騎白鹿如星馳逡巡別轉一般樂也  
非笙兮也非角三尺瑤琴十二徽歷劫年中混元斲玉韻琅琅絕鄭音輕清徧  
貫達人我從一得鬼神輔入地上天超古今縱橫自在無拘束心不貪淫身  
不辱閑唱壺中白雪歌靜調世外陽春曲我家此曲皆自然管無孔兮琴無絃  
得來驚起浮生夢晝夜清音滿洞天  
大明成化十六年歲次庚子夏五月穀旦本宮道會張希全孫志和立石  
重修玉清宮記

# 濰縣志稿

## 卷九 營繕 壇廟寺觀

儒學廩膳生員劉昊撰  
儒學廩膳生員王銳篆

儒學廩膳生員王彪書

吾濰在古為郡國為州治至我朝始更為縣其間形勝之地可以垂美不朽者  
多矣乃若風景殊常形勢異俗獨此宮為最觀其規模體制東跨長河西望孤  
峯面觀濰城背連滄溟且樓臺殿閣高朗虛明檜柏松篁清森掩映望之宛若  
圖畫自古在昔騷人之吟興丹客之返真其遺跡昇銘昭然猶在邇年以來時  
勢頓殊勝槩凋謝甚可傷也揆厥所自良由典守者匪得其人延及弘治間幸  
有守宮道士周道安同本宮道士徐守明慨然有意於復古奈式微既久作興  
未易而磚瓦木石之類輻輳於四方遂命工儻巧以營繕弘治乙丑徧修玉皇  
殿飾神像越次年徧修前之兩廊飾廊之諸像迄今歲壬申告成焉而此宮之  
傑作勝制一時更新由是金碧輝煌棟宇鮮明簷阿華彩有以丕振前哲之風  
大啓後進之路誠一方佳麗之地不世偉觀之所也于是時道安輩具儀拜愚  
為文以紀歲月愚慚才薄且兼位卑焉敢率易雖然蘭亭雅致聳動當時非王  
右軍之文則清湍修竹徒然蕪沒焉耳矧此宮風景物華可以依稀蓬瀛較之  
蘭亭不少減也使右軍復起過此想亦在愛慕中愚固不敢以右軍自附但玉  
清之形勝與夫道安之善繼不可漸置之泯沒以故忘其固陋叙其顛末以記  
之庶乎是宮之形勝益彰而善繼者可表也而今而後有志於玄門者可不善  
守善述以興為勉以廢為戒哉  
大明正德七年歲次壬申九月中旬吉旦本宮道士周道安立

承事郎知縣太原李壽昌 迪功郎縣丞安邑李鏞  
將仕郎主簿潁州時英 典史興濟王愷

儒學署訓導事舉人高陽馬乾

昌樂縣石匠姜寶

宋清鏞

重修玉清宮記

玉清宮在縣治北二里許白狼澗西秀挹孤峯雄倚滄溟珠殿數楹嚴設三清  
 眞像規制結構備極壯麗當其盛時庭階艷潔松檜鬱森羽流雲集燕息有院  
 瞻給有田冠帔彝彝步虛談玄風景宛然維時丘長春馬丹陽二先生闡教東  
 方甞在此宮詠其微言奧旨寄於歸山操滿庭芳二詞具載石刻今可攷鑿又憶  
 長春在此宮詠中秋無月有句曰人間自是雲遮眼天上何曾月避人蓋言大  
 道昭昭本不遠人而人爲私欲所蔽以致無由曠觀高明譬諸目爲雲掩瞻仰  
 昏昏有月如無月也達人借月喻道不專爲月發也昔年吾濰鄭先生廷輝深  
 諳玄理游宦邯鄲追感黃梁之夢倏忽東歸來茲屏喧養素超驚塵表余嘗數  
 爲偵候于今卅年餘矣嘉靖丁巳春厥孫九思悵念祖志覬廟貌危于風雨銳  
 意修葺然九思本清白吏子孫空其家存錢粟又告諸同志泊道士李道慶翊  
 助之迄己未歲季秋始告成可謂勤且勞矣因其請文記歲月乃述所及聞見  
 於玉清宮者刊於石以昭後之學黃老者云  
 嘉靖己未春二月吉日兩淮都運朝列大夫前戶部郎中邑人劉廷錫撰

玉清宮  
 獨尋靈境閱雲篇咫尺層霄滿翠烟羽士招邀看丹竈白鶴玄鹿繞我前金銀  
 宮闕碧桃影鳳旂龍駕集羣仙祥飈颯颯神思迥恍惚吹入壺中天塵世浮萃  
 花共落蜂喧喧蟻鬪何憚然繁音亂耳色炫目飡霞欲上岷崙巔若木披搖海雲  
 動長嘯戲拍洪崖肩寥廓笙竽醒凡夢紛紛向我求真詮柱史五千言在世縱  
 慾逞志空談玄但使此心契造化回須更問彭喬年蓬萊物色四時好空中青

烏來翩翩拂席垂簾坐永日香風遙送藥爐烟 塔山居士

玉清宮廟碑

程子云以形體言謂之天以性情言謂之乾以主宰言謂之帝天也乾也帝也  
 其實皆一理也大造渾灝而萬物咸被其覆燾元亨所以鼓萬物之出機而爲  
 誠之通也利貞所以鼓萬物之入機而爲誠之復也無極之眞二五之精寧復  
 有聲臭之可尋哉史載大中祥符間有天書見於承天門之鴟尾蓋欽若堯叟  
 輩互以經義附釋至重和時而帝誥雲篆益以繁矣道藏載心印經爲鍊性秘  
 語其大旨不出於無爲自化清靜自正而已今有崇其教而讀其經者以是會  
 諸心體諸身見諸日用道不在遠矣

康熙五十八年四月吉日立

濰縣志稿

卷九 營繕 壇廟寺觀

三十

邑人劉以貴撰  
生員胡斌

弟子李德章沐手書丹  
邑人 篆額

玉清宮廟碑

詩曰昊天曰明及爾出王昊天曰旦及爾游衍此見人之動靜語默無非天命  
 與之具也樂天理畏天威凡可以竭奉若之忱者總期無歉於對越爾玉清宮  
 始建於元其見諸碑碣者若滿庭芳若蓬萊龜蛇之字皆炳然具在至所傳仙  
 姑冢今已無可考蓋滄桑之變未有久而不湮者也茲有篤意服膺勤志清虛  
 者募錢六十餘貫於帝殿前建坊旣成設醮祭告盡敬而蒙祐寧有量乎昔顏  
 眞卿有麻姑壇記李頎有西王母歌韓昌黎有華眞蜀媛諸咏百世下聞風而  
 興是亦餐花絕粒之徒歟道岸匪遙要之以仁孝爲本

康熙五十八年四月吉日

邑人劉以貴撰

李德章書

邑人

篆額

道官姜冲禮



生員胡斌道人桂陽慶徒陳來秀  
石工季能劉鳳鳴鏤

北宮邱長春道院  
宮在縣樓北石門題玉清何時得仙處盡日有松聲斷碣埋秋草荒鐘入暮城  
李懷民

青雲不可接閑坐感浮生  
滿宮花詞題天僊宮  
李憲喬

紺殿高朱扉錮幡影石壇日午松香滿院不逢人一片神雅飛去  
平生誤回首茫茫何處誓從此地訪真仙自洗黃芽淨土  
猛然覺得

二題玉清宮  
四垂鸛一隻獨凭危欄  
城中日暮起歌聲此地但聞松柏  
何人醉蘸

青天筆驚破蒼煙白石分明一幅老君碑無限世人不識  
右題於乾隆丁亥後十二年重遊道人乞書於石道人高德順徐翀鸛也

玉清宮四至碑  
玉清宮四至地界東至古跡人行小路南至石門下東西舊河身西至清和真

人宗派古碑北至外濠舊基四至分明恐已後年遠因有損壞昏昧用劓堅砮  
永為記耳

于書佃書玉清宮記  
玉清宮碑碣多僂蹟詞旨古奧書法適邁攬一邑之勝歷元以來雨蝕風剝半

就磨滅思構一亭以覆之未逮也今年春重修殿宇工浩繁不能復及貞珉爰  
竭澁囊僅成廠室聊免頽毀後之君子恢廓而廣大之則幸甚嘉慶癸亥九月

九日邑人譚世法記  
不夜于書佃書

# 濰縣志稿

## 卷九 營繕 壇廟寺觀

重修玉清宮碑銘

原夫發揚帝載之先張 王猷之始通署調陽爰資乎賚弼司天主土乃寄乎

沃心於是雷雨平屯股肱佐難飛揚壯傑之心慷慨經綸之氣莫不思以動日  
月思以列箕辰耀洪伐於鐘旆之前鎮光迹於帶河之表舟壑俄從風霜再淪

歌舞恆留山川不歇可為豪矣未當一映是以通明有契高哲所懷既崇世載  
語元趣則眇其鴻毛傲真風且未當一映是以通明有契高哲所懷既崇世載

之勤兼蹈躋遐之步鵬搖天咫舍九萬而甯風鯨從溟波豈三千而論解是以  
歸劉謝漢仙師之松石可尋變姓沼吳滄海之鷗夷何遠亦有果市丹砂一絃

成曲金堂水玉千洞飛形鎬京靈宅之名使者聘中山之道若乃理極歸根  
情殷濟世朱門黃屋初無往住之心白日青天正復去而奚遠渺迹外臣叅勛

有亂者倘更可得而言與先生邱氏諱處機字通密登州人也下斗星於曲阜  
蘭期則世孝既宣訪真誥於華陽許邁則陰功且篤稚川珠佩上宿貽祥貞白

金鑪天人入夢蘅薇降位張陵開鳴鶴之山嬰敷誕靈元祿抱函關之氣生宋  
高宗紹興十八年當金皇統紀號之八載芝眉月宇方頤綠瞳超斧子之丰神

得道君之好相雖鸞轡未振而霞標已翔髻稚時有善相者見曰神仙宗伯也  
若夫羨門跨青驪之岸安期留赤舄之鄉波明樓堞如開方丈之圖山對蓬萊

即是青邱之宅巖前采椽石乳恆逢洞口彈棊瑤姝乍見先生年十九游而樂  
之於是遣世因頓塵容卷沛澤之霖才溯幽微之瓊思居方以外寄迹全真嗣

重陽之北宗受東華之大道新篁入聽奏松風於樓上白石可餐和雲液於巖  
間雖山邱夙具無煩證道之功而雌牝猶勤追舍谷神之妙既乃右英密告太

白靈貺司馬高赤城之譽扶晨標絳籍之名丹文素壁方違徐市之車玉鉞珠  
旄先布茅盈之誥道成無上靈洽杳冥扇元飄於宇宙之間暢瑞號於王公之

口斯時也四域鼎分九州幅裂風埃瀕洞坤輿蒼黃璇魁斗柄不度南箕和叔  
日輪終睽北陸彼思會獵於吳會此欲刊碣於燕然或懼長江天塹代馬之隊  
更飲於佛狸或虞乙酉魚歌五龍之師並窮於僕谷非我用言違車幣獨嘯雲邁  
翹懷先覺之資請示太平之術先生默識道消知非飛龍於沈墨之鄉元太祖成  
未幾天眷朔方帝唯北顧耀黃星於紫蒙之野起風龍於三顧之勤佇同車之載  
命虎節授鶴書旌壁殷然裹輪俟駕先生審大兆之已歸念人羣於可濟倘在  
此而宏施是已行而逾崇然後隨使軺經絕域竇車騎出師之道跋履非艱張  
博望持節之鄉遭迴且屆雪積夜邈熱坂朝傾山臨檀特異法顯之求經水涉  
流沙似伯陽之去國遂見元帝於武帳焉天酒既傾雲峴始設虛漢文之席側  
對賈生陳齊國之燎下顏東野坐而論道禮重三公咨而稱師敬隆太傅視夫  
聘道士於華井之旁召軒轅於朱明之戶威儀絕等固不同年而語矣然後告  
以清淨之理語以無爲之道述衛生之經則云寡欲陋長年之藥唯曰保躬其  
義正其猷遠詎似齊東五利煽事機祥海上盧生恣其誕惑寇謙之重臺之上  
魏后遙祠李少君穀導之方漢皇親受者乎唯時太祖志炫極威力謀窮併滅  
國五十旣異周武之東征絕塞九千未厭莎車之西略或嘗歸之首或盡俞  
林之族海荒蒲類曉絕夷歌山繞焉支宵聞痛哭先生以爲天道好生帝王去  
殺必信老氏三寶當以慈愛爲先太祖敬納焉曰天遣仙帥以悟朕志願命左  
史書之於冊爾乃賜宗師之大爵呼神仙而不名比博陸之高勳崇張星之歲  
德誠異數也太祖軍儲或缺環衛是資先生偶假煉金濟其時乏暫方王貢咸  
驚大術之奇衡以蕭規且茂關中之績又亡金而後民人俘纍先生哀之招免  
奴掠爲良者以萬千計方令江陵士庶歡辭黑獺之營鄴下衣冠終免季龍之

濰縣志稿

卷九 營繕 壇廟寺觀

三十二

暴其匡善者宏矣其被物者遠矣俄而水從雷驚山摧岸蹶動隕星於處士徵  
壙石於文公桓法閻之白鶴方來陶安君之赤龍且至時乎脫履且就羽化焉  
元太祖二十二載歲丁亥則宋理宗寶慶三年時也務光鑱景殷丁空虛左之  
求木正排煙姬后愴升堂之拜詔於大都立長春宮奉焉自是而來被教逾廣  
終南棲遁之地卽敞樓居棲霞桑梓之鄉先開月館濰縣城北玉清宮者蓋亦  
奉靈像之所也若乃城留黃歇卽表荆祠夢入周公猶希魯殿羽客經行之地  
實起丹堂聲聞乞食之鄉非無寶剎况以壤隣阡穀境接粉榆仰雲軒於倒影  
劉根則遺躅未遙溯芳迹於他年長史則舊壇斯在御史中郎尚集同舟之侶  
祁連公主還留訪道之詞初自初元閱乎三代市朝遞改塵劫再遷甲館飛廉  
奄然搖落竹宮羅薦幾見疏蕪芝田彫風雨之英桂樹歇山阿之秀摺紳父老  
等零歌陽雨蠻蜡時年驚蕙帶之傷秋感雲旂於斷曉綴珠露於瓊裾之側寢  
閭扉於綺甃之間爰究經營規乎更始於是從如雨之羣命成風之技徵梓材  
於徠甫討青牖於巴印龍首軒駢翬題矯夭三危窅窅八景鎗鋳春窗則青鳥  
支窺雕檻則斑虬並簇花迎鳳舞照畫壁而俱迴鳥學鸞歌度林芳而不下靈  
芝煥炫迷茫法實之游璇閣森華駭耀徐宣之矚靈氛雜沓仙會容與羽蓋兮  
霄幕左啼猿兮右鳴鶴浮邱兮甯公來隨煙兮去乘風四度者佛澤之鐘萬吹  
者法嬰之曲穆穆乎肅肅乎蓋可得而瞻不可得而狎也昔者庖犧作御苑華  
降方野而授河圖炎皇應期大庭下濟陰而莠太乙公孫親大傀之訪文命著  
雲華之拜是知皇王秉籙愛資邁世之師大道拯時必啓蒼生之佑若乃乘震  
威而揭訓道天命以莠誠不嗜殺人之言實唯至教之本是則山中宰相功崇  
宣室之前衣白尚書道冠雲臺之上視夫錫子傳湯先明恭愛真行導夏惟述  
儉勤理貫一揆風斯共劬與僕也乾坤抱策江海浮舟仰止高真服膺寤寐

文淵翱游頃日壯志雖橫李鄴侯餐吸煙泉幽思且揭延望青牛之迹徘徊碧雞之祠仙公杵臼空爾殊聞羽士塵沙翻希再見因茲郡會須予制文爰敘瑤徽載揚靈德配廣野蒼生之碣異淮甸八公之碑褚先生金庭翠刻十倍甯論陶都水地肺貞珉千秋儻合銘曰

靈寶出法天元轉輪無名者道立極惟真或隱或顯繼世繼人漢妙金泐唐精劍神東華協歷北海騰鯤骨錄寄鶴襟標緯雲方流素壁實抱真筠定凝散想藏密會真宏契天隱隆迹帝寶資用軌裏標障宙聞交暉五老冥德三元試通十二年窮甲申霞池鳳鼓月嶠麟蹲來看塚雪去畫城門劫殘青帝風偃毘嵐

石室更秘咸池謝春光齊炫紫瑞崩鏤銀闕元水慢引長林沙平聚玉霧暗罪金琦葉雕字玕花粲文屏心雀翦鐘乳龍眩丹碑發井素詠留陰虹銷曲遠風遞香尋雨隨少女石似佳地迴緜嶠水即虞淵青天白鵠永望茅君

右山陰胡徵君天游所撰吾濰重修玉清宮碑銘載石笥山房集今攷邑志及廟中碑碣玉清宮於乾隆間兩經修葺而徵君之文闕如邑人郭薰之張仔陳執衡郭祐之劉洪陳晉康陳阜郭煥之高鴻裁丁毓庚劉嘉森于長春劉嘉穎郭恩承丁良幹張鶴聲陳陔劉嘉賓郭恩堅劉嘉雋摻採佚聞緬懷前哲用伐石補鐫以備一邑掌故庶後之修志乘者有所攷焉光緒二十二

重修玉清宮碑記 梁鳳鳴摹勒上石 季士林刻字  
佛老之居遍天下隸濰者二南石佛寺北玉清宮玉清建於東晉昇平間歷南北朝逮隋唐宋元明至我大清千五六百年世世敬修罔替是必有使之者矣宮之廣方一里前石門內種松數百株周圍繚以紫垣後主殿為三清殿神像巍然右七仙祠邱劉諸真人遺跡在焉留龜蛇碑字大如斗余家居時往游

# 濰縣志稿

## 卷九 營繕 壇廟寺觀

二十三

樹木蔭翳異禽鳴於枝柯松子簌簌落石堦上幽邃靜僻塵念頓消及余已通籍服官中外丙戌己丑兩過里居宮之牆壁圯棟宇頽因思前後三十年已興廢異觀使自東晉迄今無人相繼黜堊丹雘早化為沙礫荆棘黜黜狐兔之所穴處矣乙未秋道人畢本禧議修未果丙申春濰大饑邑侯李公賁粥食餓飢民蜂集紛爭軋壓司事者禱諸宮衆陡定老者前若有相之者壯者後若有抑之者幼者孤者病者隨若有啓之翼之者既葺事民各持一錢為邑侯壽侯以為神之所賜也請於大府以賑之所餘助工丁酉夏擇吉興修越數月告成時余在陝西按察使任所兄時齋以書來囑余為之記余謂佛老皆能鼓動天下以高大其宮室佛主於勸善嘗以禍福之說劫人之聽信故奔走服事者衆老修真養性清淨虛無惟服氣辟穀之士宗其法信從似不如佛之多者然歷代奉之為天尊於穆昭格之精實能陰驅潛率乎愚夫愚婦使之革面回心邑侯之賑飢其一事矣中庸言鬼神為德之盛洋洋乎如在其上如在其左右佛老均為吾儒之所訾議及其功德至乎百姓求則靈靈則感感則應雖吾儒不能不罄折踞蹠更新廟貌用答神庥亦所謂德之盛者與吾邑石佛寺之修獨成於余戚田氏菩薩大慈大悲能福祐吾濰也今玉清宮之輪煥壯麗工之大與寺等此其無故而然與是役也余兄時齋與諸君子共襄其事余以為皆非人力之所能為也或曰玉清烟曉列濰八景之一故世修之彼石佛寺又何說焉

賜同進士出身誥授通議大夫陝西提刑按察使司按察使邑人劉鴻翱謹撰  
重修天仙宮碑記 邑庠生郭丹書敬書  
佛之寺刹盛於南北朝而流行於唐道之祠觀盛於宋而流行於元物莫能兩

大此衰彼盛在二教亦有然與邑天仙宮志載創始元至正二年棟楹壯昂垣宇深邃為邑中勝區每值春暄秋朗之辰樹陰羃羃禽鳥蘇鳴遊者忘倦幾與北郊玉清宮相埒云道光初雖經續飭年久漸就蕪敝咸豐辛酉同治丁卯二歲南匪北擾蹂躪四境邑人籌練防設議局於斯軍械錯陳堂戶不鍵風薄日炙丹靑黝聖漫漶剝蝕益失往日舊觀邑人屢謀修葺以艱於斂資未果前歲紳耆郭溫如先生首出資為倡張子杭先生善其舉爰偕陳君厚甫安君同域杜君敘九徧致有力者共諾其請得錢二千緡鳩工庀材諏吉興作凡正殿一前殿二側殿一左右配殿三門廡一鐘樓一道房一寔舍一翬飛鳥革還其舊觀益丹竈室一道院繚以周垣始四月屆十月葺事見者皆異其成之易且速蓋自烽燧告警以後六七年中民力未蘇而復繼以光緒丙子丑連歲飢饉閭戶之間愈形彫敝休養以迄於今吾鄉士大夫始得以從容燕暇賁飾前代遺蹟以遂遊觀之樂斯其可喜者也而襄事諸君子不憚煩劬盡心瘁力事舉功敏有足尚者故為之記

邵忱

楊春濤

邑人宋書升撰

郭杭之

郎郡賚

郭夢雲

丁墀

程世經

宋玉瓚

杜永吉

郭芝田

郭簡之

陳系廣

安貞

郭佑之

齊延年

譚增華

張銘璠

徐春城

郭恩承

譚守和

杜啓功

徐春城

郭恩承

譚增華

張銘璠

孫義昌

鄭光順

鄭光順

光緒十四年歲次戊子夏四月穀旦

住持道人孫義昌

鄭光順

重修東嶽天齊廟記

賜進士出身資政大夫刑部尚書協理戎政奉侍經筵兵部尚書邑人

# 濰縣志稿

## 卷九 營繕 壇廟寺觀

三十四

劉應節撰

濰青州之域為古北海郡舊建有東嶽行祠宋祥符間以天書降嘉封天齊仁

聖號遂又名其祠曰天齊在至正而後屢修葺不廢至大明萬曆歲浸復圯

壞棲鴟穴鼠不足蔽風雨矧曰肅將禋事於是郡人杜黯然等稍捐貲募工倡

乃衆又更新之莊嚴正殿翼以長廊直柵砌甃增金碧續祇飭冥府既福

奇恠之事棟宇檐帷煥然改觀矣夫神莫尊於五嶽泰山又五嶽之尊者自其

宰天維奠地紀名曰天孫宣氣布靈發育羣動名曰物祖主東方萬物始生交

代之處為羣嶽之長名曰岱宗故帝王受命報功告成必於東嶽而封禪柴望

之禮防焉含澤散氣膚寸而合不終朝雨天下而禱祀之舉防焉主召魂知人

命是故金篋玉簡漢武探筴知修短之數而僊靈之說防焉或謂山下有洞天

周迴三千里鬼神之主而豐都蒿里之說防焉夫神愈尊不可慢神愈靈不可

犯故云民神異業敬而不黷若雜擾放物巫史無度而神弗蠲此幽顯之辨也

封內山川諸侯主之昔季氏旅泰山孔子猶譏其為僭而況士庶人乎哉雖然

聖王因俗牖民以神設教故俗有所尚從而導之嘗觀斯民之情其視鬼神賢

於君父其論福祿嚴於賞罰六道顯報若釋氏輪迴之語固不可信考泰漢相

傳鄙時之禩神恠百出豈盡虛妄彼葛弘化碧伯奇化鳥蜀帝化鵲精氣游魂

變幻叵測亦理數之或有也夫人情有所勸則為善有所懲則不敢為惡然則

鬼神之威靈非化理之一助耶不然神無名加之以天齊則褻矣山本靜建之

以行祠則誣矣禩神無相取土木偶而冠裳之則瀆矣神無私而徵福於回免既

於倖則悖矣禩有典不俎不豆雜閭閻男女而諂事之則亂矣允若茲則祠可

以無建又安可紀其事以重世俗之惑哉鄉人杜黯然等以廟功成問言於劉

子劉子曰是役也足關勸懲不得已為之記亦竊比於因俗牖民之意云

大明萬歷十年歲次壬戌春三月之吉

賜進士出身濰縣知縣洛陽史善言

縣丞完縣谷朝寶

主簿柘城梁汴

教諭吳橋李浚

訓導濟寧潘蟾

典今昌平劉完全立石

重修東嶽廟碑記

濰城東門裏大街之東嶽廟由來舊矣其經始碑版無存而自國朝定鼎以來  
修葺可指數邇漸荒圯僉議更新又慮工力浩大難於並舉也爰為分工以庀  
其材問修以舒其力其始自天齊大殿暨兩廊並殿左之三官廟殿後之天后  
宮痘神諸廟為一工工最重宜先舉於焉經營閱一載告竣而工一停其次則  
以西院之佛殿觀音殿為一工工少輕然以廢墜甚不容緩於焉經營閱一載  
告竣而工又一停最後迺從事於山門龍虎殿焉先是山門右有房一間舊為  
尼僧典賣茲並設法湊資贖出又龍虎殿逼近大殿勢不舒為南移丈餘地不  
加廣而宏廠過之經營半載而工又告竣統計三工經始於道光二十三年壬  
寅告成於咸豐二年壬子春秋十易用錢一萬四千緡有奇凡廟內之殿堂楹  
壁俱革故而新是圖並裝像金身煥然赫然洵一邑之鉅觀非前日之景象矣  
於是董事者求為記意若慮其極盛難繼數十年後恐未必如今日者余謂不  
然夫後之視今猶今之視昔諸君子不忍坐視是廟之廢墜而更新之後之君  
子能忍坐視是廟之廢墜而不更新乎且是廟也介於通衢為闔邑所瞻仰而

濰縣志稿

卷九 營繕 壇廟寺觀

富商大賈列肆而居者以百數十計朝於斯夕於斯有事聚謀恆於斯其為庇  
依也多矣又安能聽其廢墜而弗為更新也雖然凡事當其既墜而復之則難  
為力及其未墜而後從事焉則工不費而力易舉庶此廟可賴以永終不敝也已  
待其既墜而後從事焉則工不費而力易舉庶此廟可賴以永終不敝也已

例授文林郎己卯科副榜辛卯恩科舉人揀選知縣魏延之謹撰

賜進士出身奉直大夫翰林院編修加三級紀錄四次王之翰謹書

議敘九品職銜 譚龍口 壬辰科舉人 楊玉相

地封文林郎翰林院編修 陳祥體 乙酉科拔貢 辛卯恩科舉人 楊玉相

董事晉封朝議大夫起居注主政 蒯廣生 人前任魚台縣教諭 陳述曾

誥封學生直夫 同加二級 候補布政司經歷

太學生議敘八品職銜 楊鐸

候補主政 陳華峯

太常寺博士議敘加二級 于元仁

太學生 邵國秀 議敘九品職銜 田澤聰

督工太學生候補按察司知事議敘加二級 鄉飲大賓 蒯麟生

同辰 壬辰科武舉 蘄州衛守備 丁惟揚

現識於病 武學生張壽山 丙子科舉人 湖北荆州府水利同知 陳子飭

議敘九品職銜 周瑤璧 太學生 議敘國子監典簿 王輝廷

大清咸豐五年七月上浣立

徙建泰山行宮記

儒 賜進士出身文林郎直隸永年縣知縣邑人胡行知篆額

鄉進士奉直大夫直隸邳州知州邑人華可瞻書丹

兩溪渚涯之間不辯牛馬幾傾殿宇者數矣父老之迺於世廟乙卯歲卜

兆青門以內高明塏爽遂遷鐘簾焉用建正殿三楹中塑泰山聖母碧霞元君

東廊三楹內塑三官大帝前山門三楹塑二郎神於左關聖帝於右煥炳赫奕

井井有條仍舊制也自嘉靖乙卯迄今萬曆戊午歷三君遇花甲曾未鐫石以

誌之然彌久彌遠得無忘厥所自乎惟是居民相率請記余應曰泰岱之宗元

君神祠寓焉其威命靈爽昭昭也其跋涉禱祀者遍天下萬世之人也是駐節

所在即靈爽所在也 能思宮闕遷徙而肅然改容仰神靈安妥而欣然動念

明德以薦馨香具牲醴華俎豆樂備笙鏞神之鑒之默錫以和平之福奚必專

事於車塵馬足之勞而遠登岱宗為哉儻忤逆親長武斷鄉曲縱欲媚神邀福

矯舉以祭神必吐之矣何福之與有爾僉其聳諸至於恢復舊址擴大神廟

翬飛連雲樹蔚冲霄以俟後之向善者是為記

萬歷四十六年歲次戊午四月二十六日

重修太山行宮記

大凡興之必廢者勢也故之復新者時也時至事起事隨時新得奉佛衣鉢者

聽演三乘寶教崇修佛居阿育王造塔以藏舍利良有由也余覽濰誌東門河

濱原有太山行宮夫曰行宮者何想慈雲東翔普濟羣生覃恩至濰靈應及焉

邑人沐其澤建廟以圖報耳後因白狼漲溢碧波侵齧卜徒城內莫居震位

時也神聖所感宮殿適新巍巍廟貌不誠令人改觀也哉歷年來遇飢饉遭兵

燹以故廟宇傾圮聖像殘毀塵埋香篆苔掩丹墀嗟嗟非猶是昔日之行宮哉

祇增人浩歎已耳迄至清朝定鼎龍飛十七年歲次庚子豐亨大有玉燭咸

調有檀越信士王鼎等忽發虔心欲結聖果謀父老偕有同心遂置一簿立為

太山行宮會書名者濟濟捐資者紛紛未 年餘而寶鏹充籠矣於是鳩工庀

材首修大殿碧瓦翬飛金裝射目迦葉尊祖瀛海羣仙煥然也次整東廊刻楠

丹楹彫牆峻宇雲臺現瑞神光圓明煥然也繼而鐘鼓雲樓重重建立山門焚

濰縣志稿

卷九 營繕 壇廟寺觀

池者聖母所都居也今茲重修祈福者不曰太山之往也而曰有行宮在襪災

者不曰太山之往也而曰有行宮在是以疵癘不生康阜日益濰邑士民實陰

賴之此所謂泛般若慈航於苦海躋閻浮世界於淨土也會滿工竣勒石篆額

以誌今日信士瞻敬之德以勵異日皈依像教之風云爾是為記

康熙二年歲次癸卯四月穀旦 賜進士第大理寺左寺副王運熙撰

重修東廊三官殿及慶賀元君聖誕碑記

東嶽岱宗有碧霞元君神祠威靈遠照慈惠普施禳災祈祥者徧天下後世莫

之有罄也我濰東門首有 泰山行宮舊志所載原在朝陽門外因白狼水勢

泛漲數被衝突後移建茲地行宮居尊左廊 三官大帝歷 國朝康熙癸卯

盡改舊而鼎新之至甲辰城隍廟迎請 增福 張僊二君因建西廊彼時金

碧輝煌丹靑掩迎煥然整齊矣四月望八日乃 碧霞元君聖誕之辰每歲是

日濰士女咸百十為羣解衣散錢焚香燒馬自朝至暮勢如歸市余嘗歎曰噫

嘻碧霞宮是吾濰香火雲集之第一處也附近善士領袖二三輩倡慶賀會舉

衆善信羣起而和之值 元君聖誕之期修醮三日用奉牲牲肥膾粢盛豐潔

虔誠致告于以答明威焉數年以來風雨浸淋先是西廊滲漏為之瓦覆山門

損壞為之修葺前歲甲子東廊傾圮至地三官聖像俱作土泥諸善信心焉傷  
之計會資不足隨出緣募化積少成多即糾工庀材卜吉從事旬日之間東廊  
輪奐如故聖像炫耀更新進香之士女疇不日猗歟盛哉東廊又復妙麗壯觀  
也工既告竣乞余言以勒石余深慕諸善信之功德故略述之以為後此之觀  
感而興起者勸

時

康熙二十七年歲次戊辰四月吉旦賜進士第朝議大夫提督福建通省學  
政按察司僉事考核優陞候補布政司參議王震起課

重修孤山行宮記

濰齊地也古為郡今為邑邑之南有聚焉曰市場有廟焉曰孤山廟建或唐  
或宋而莫之考惟舊記所載云大元大德二年居民張榮重修考之史大德二  
年者元成宗戊戌歲也迄我大明弘治甲寅閱歷百九十有九年于茲矣頻年  
繼榮而修者得其人歟固不得而知也無其人歟固不得而知也今者則見棟  
摧瓦墜惟餘支柱斷記而已居民隋四者一鄉之善士也嘗散步廟側覩其決  
裂神無所妥惻然為之長悼曰人賴神而生遂神依人而血食顧茲有廟其來  
尚矣水旱焉於此乎禱疾疫焉於此乎禱禱而隨應固非淫祠比也烏可往來  
目視而不為之興復乎於是協里人隋五信和輩詣縣請命邑侯王公暨僚佐  
諸公許之出走告四方聽者咸樂為之襄成鳩材陶甃寒暑有遷肇工於弘治  
三年之仲夏落成於弘治六年之孟冬繚以崇墉砌以重堦蒼楹斷楠金碧相  
輝人皆謂傑作也事竣僉曰宜有記信甫偕幾多君子來蘄文予豈知言者哉  
第敘其始末歸而礪諸石云

賜進士知濰縣事同安王琚

# 濰縣志稿

## 卷九 營繕 壇廟寺觀

三十七

縣丞蓬池董信  
主簿嵩陽張鑑

典史壽陽白瑄

後學同邑于周撰

後學同邑王鏗書

安丘石匠作頭盧玘刊

弘治七年歲在甲寅冬十月初吉立

泰山玉女祠記  
國學生鞠進書撰

濰治之西南十二里許曰夏家村村之民以聚族其地人煙相望必建神宇護  
其土翕一方之香火然後歲時伏臘有所藉素祈禳敦敬共庶康安其業而利  
其生無疾疾戾孽無侵人不祥則以顏蒙之見篤信之志使然非淫也一日咸  
而謂曰泰山玉女之神之陰隲域中稔矣蓋遂廟焉厥謀既協其後將興于  
時首其事者夏萬夏國賓夏國父子輸其地者姜邦彥姜邦銳兄弟任其責  
執其勞而圖其成者僧惠譚秋月襄其力者夏富夏玠夏汝齡夏景量材僦工采  
夏緒夏勛夏勸父子兄弟祖孫迺差穀啓土度地授基樹桌景量材僦工采  
板榦辨金石陶甃積丹履起三筵矣尋肖像其中而週四垣于外廟貌顯赫  
人心肅悅初始於嘉靖癸亥秋八月落成於甲子冬十二月役畢礪石請余記  
余惟昔者先王治天下明有禮樂幽有鬼神均為回忽稽其制天子祭天地諸  
侯祭山川大夫祭五祀士庶祭其先職之所司罔敢踰越非鬼而祭謂僭我國  
家考古定制以先王治人之道馭民以先王理幽之道率神凡職所當祭著在  
祀典祀典弗載不敢以祭禮也亦制也夏之民茲廟之立于祀典弗與也焉  
以記為嗚呼竊原之矣今天下是廟何地無之且崇是祭者何人不然惟知禮

達制之君子為能與守殆非所以責諸野人夏村之民野人暗禮制而信鬼神  
沿於習而溺所聞朴貌古心余何暇諄焉余惟取其為一念不謂香火鬼神  
夫為善主於供香火則可以轉而習俎豆篤於事外神則可以嚮而仁祖考萬  
之輩壯且老矣不有子弟乎以父兄為善之心登吾儒大中至正之路胥教  
誨事詩書明禮義繇是以知禮以達制無難矣余不以望其父兄庸以諗諸  
子弟入謁廟而孝石者蓋于是乎之是為記

石匠任傑鑽

立字人康大邦書

發心廟主夏萬  
募緣僧人惠譚元信

重修五道堂記

距城西西南半里許舊有正德間邑侯郭公祠環祠皆太學生于公地歲久祠毀  
于公因建五道堂於其上考其創立始於嘉靖三十六年至萬歷四十年乃重  
修之中間土地諸神皆得並祀額曰五道堂從所始也惟神明威有赫正直無  
私庶民之祁寒暑兩皆賴之戊申地震廟宇傾圮神無所棲土人李應星等心  
焉傷之遂鳩工重修拓其舊制稱鞏固矣歷今七年時值神誕始為醮落成因  
勒石以誌其事見堂之廢興乃人力而人力依賴不敢忘神力爾

康熙十四年五月初五日立

春元于澤長墨書

重修五道神廟碑記

道猶路也今之所謂道神者即古之行神也行居五祀之一月令冬祀行祭先  
賢是也或名祖或名較或名道其義取祭行一也其制載於周禮大馭戎僕之  
職其作主用菩芻棘柏其祭儀卿大夫薦酒脯等而上之至刳羊而祭詩稱取

# 濰縣志稿

## 卷九 營繕 壇廟寺觀

三十八

祗以較是也濰城南門外迤邐屈曲為道五因建廟其上而額之曰五道神  
廟往來過者皆祈禳取道焉廟故陘隘數年來鄉人譚舉徐褒宗等鼎而新  
之廓而大之於是歲時伏臘而香火甚祝嘏甚虔煮蒿悽愴昭明之氣真若  
發越揚詡於上下前後左右旅途無雨難風災居人無疫癘蓋明神之  
福祐為多云余祭墓時嘗過之深嘉廟貌隆盛大異疇昔因為識其事且衷諸  
古以諗後來之增修者相戒勿忘也

賜進士出身文林郎原任廣西思恩府武緣縣梧州府蒼梧縣知縣丙子科同  
考試官邑人劉以貴薰沐拜撰

文林郎知濰縣事關中李景隆

訓導郭世爵施地貳分

領袖譚舉全合會買地貳畝玖分五厘共地叁畝壹分五厘

康熙四十七年歲次戊子十一月吉旦

濰縣重修城隍廟記

城以保民禁姦通節內外隍即城下塹也有功於人豈云小補自古有功於人  
者法當祀則夫城隍在祀典之列實有官君子所當務也濰古青之名郡書曰  
濰淄其道是已縣治之西百步許城隍廟在焉迹神之自莫可詳考所可考者  
我太祖高皇帝封曰靈佑侯蓋靈則隨感而通佑則錫善以福備見勅命廟宇  
廊廡前長民者修葺經久上雨旁風雀巢鼠穴傾圮日劇天順癸未靈石張公  
傑由鄉薦登國學選天官來丞濰縣以故事禮謁祠下顧敞弗支慨然喟歎曰  
吾吏茲土神人具依苟神祭不供人事不治將何以副聖天子責任治民事神



之意耶爰自下車廉以律己仁以撫下明以燭微公以除弊以故政化大治民  
用休阜上下怙然無事今上成化丙戌乃謀諸寮謂城隍與有士者相表裏  
捍災禦患保障一方所以同輔國家安養生民也豈彼淫祠可方今敝陋若斯  
寧忍眦於榛礫中而不經營可乎遂鳩工計料卓有成算貯材木陶甄瓦烈若斯  
石如山如阜綽然有羨躬自往來董匠作日非壯麗堅久固無以伸尊嚴神祠  
之敬亦豈吾心所安哉是以費皆官給民咸子來而翕然勸助如蜂屯螿附者  
又自若也若臺若基增築高廣如甬如壑創繕堅完棟楹梁椽之朽腐者易其  
舊門屋廊廡之荒頓者更以新神各肖像使裝以形黜聖斷讐塗墜丹雘匪直  
易檐改塗之而已建正祠五楹突兀雄峙嵯峨壞尊城隍于其中後縱為卷  
屋三楹橫為寢堂五楹受神栖也前東為廡七楹西為廡七楹分六曹也前門  
三楹揭以廟榜二門三楹列以神馬又所以通神之往來以起人之欽仰也及  
舊所宜有而未備者悉皆備之玄蔭邃深輪焉奐焉巋然於濰邑之中視之往  
昔奚翅倍蓰工始於春之三月訖於夏之五月若神助天成一何速哉是蓋公  
之籌畫有藝然也時將落成適滄州祝公茂奉聖天子明命來知是縣覩厥成  
功擊節稱美謂少尹用心既正且勤矣予來也晚恨不克共成厥功盍勒諸石  
俾後來者知所勸云乃礮石為碑覓走為記以垂不刊鳥虵以積年之久廢而  
一旦維新之少尹茲志予可少識矣非祈神祐於己也非矜己能於人也以濰  
之一邑有水旱也於此禱焉有疾疫也於此禱焉其或蝗蝻興作也又禱於此  
而消弭焉唯冀神之豐我百穀安我四民百里之內仰事俯育安業利生被其  
廩庾之無窮者乃其志之所願也雖然公之能事豈直於斯故凡學校射團倉  
庫置郵壇場橋梁舉煥然而一新之惟不事夫淫祠焉若大尹公真所謂樂道  
人之善者也矧一蒞政清慎且勤志行卓然俟之膏月吾知必紀綱布而治功

# 濰縣志稿

## 卷九 營繕 壇廟寺觀

三十九

以漸成矣判簿永寧郭公宏蓮幕汝州張公昇又實同謀協力而贊襄之也若  
夫凡有功於是祠者具載其姓氏於碑陰是記

大明成化二年歲次丙戌季夏上旬六日濰縣儒學教諭閔西古邵丁仕能撰

承事郎知縣滄州祝茂

迪功郎縣丞靈石張傑

將仕郎主簿永寧郭宏

典史汝州張昇

新修城隍廟碑記

乾隆十七年歲在橫艾涖灘月在蕤賓知濰縣事板橋鄭燮撰并書  
一角四足而毛者為麟兩翼兩足而文采者為鳳無足而以齟齬行者為蛇上  
下震電風霆雲靄有足而無所可用者為龍各一其名各一其物不相襲也故  
仰而視之蒼然者天也俯而臨之塊然者地也其中之耳目口鼻手足而能言  
衣冠揖讓而能禮者人也豈有蒼然之天而又耳目口鼻手足冕旒執玉而人  
來稱為上帝而俗世又呼為玉皇於是耳目口鼻手足冕旒執玉而人之而  
寫之以金範之以土刻之以木琢之以玉而又從之以妙齡之官陪之以武毅  
之將天下後世遂哀哀然從而人之儼在其上儼在其左右矣至如府州縣邑  
皆有城如環無端齒齧齧者是也城之外有隍抱城而流湯湯汨汨者是也  
又何必烏紗袍笏而人之乎而四海之大九州之衆莫不以人祀之而又予  
以禍福之權授之以死生之柄而又兩廊森肅陪以十殿之王而又有刀花劍  
樹銅蛇鐵狗黑風蒸鏹以懼之而人亦哀哀然從而懼之矣非惟人懼之吾亦  
懼之每至殿庭之後寢宮之前其窗陰陰其風吸吸吾亦毛髮豎慄狀如有鬼  
者乃知古帝王神道設教不虛也子產曰凡此所以為媚也愚民不媚不信然

乎然乎濰邑城隍廟在縣治西頗整翼十四年大雨兩廊壞東廊更甚見而傷之謀葺新於諸紳士咸曰俞爰是重新兩廊高於舊者三尺其殿廡寢室神像鼓鐘筍虞以堅以煥而於大門之外新立演劇樓居一所費及千金不且多事乎哉豈有神而好戲者乎是又不然曹娥碑云旣能撫節安歌婆娑樂神則歌舞迎神古人已累有之矣詩云琴瑟擊鼓以迓田祖夫田果有祖田祖果愛琴瑟誰則聞知不過因人心之報稱以致其重疊愛媚於爾大神爾今城隍既以人道祀之何必不以歌舞之事娛之哉況金元院本演古勸今情神刻肖令人激昂慷慨歡喜悲號大有功於世不少至於鄙俚之私情慾之昵直可置弗復論耳則演劇之樓亦不爲多事也總之慮義神農黃帝堯舜禹湯文武周公孔子人而神者也當以人道祀之天地日月風蠶山川河嶽社稷城隍中霤井竈神之牛太羹元酒之味大路越席之素瑚璉簠簋之華天地神祇豈嘗食之飲之驅之御之哉蓋在天之聲色臭味不可髣髴姑就人心之慕願以致其崇極云爾若是則城隍廟碑記之作非爲一鄉一邑而言直可探千古禮意矣董其事者州同知陳尚志田廷琳譚信郭耀章諸生陳翠監生王爾傑譚宏其餘勸貲助費者甚夥俟他日摹勒碑陰壽諸永久余亦未敢惜筆墨焉

上元司徒文膏鐫

### 重修文昌閣記

文云乎哉行云乎哉神云乎哉脩其文懿其行祀其神斯得之矣濰城東南角舊有文昌帝君祠竦峙孤特翹然爲青龍昂首闔邑之文風賴焉乾隆年來日就頹壞今若不葺修將來必致一磚一瓦一木一石而無之矣諸紳士慨然捐助以復舊觀并覓一妥貼精幹之人以爲朝夕香火塵埃草蔓掃除之用誠盛舉亦要務也旣已受修帝君在天之靈便當修吾文懿吾行以付帝君司掌文衡之意昔人云拜此人須學此人休得要混賑磕了頭去也心何爲悶塞而肥文何爲通套而陋行何爲修飾而欺又何爲沒利而肆帝君其許我乎濰邑諸紳士皆修文潔行而後致力以祀神者自不與齷齪輩相比數本縣甚嘉此舉故愛之望之而亦諄切以警之是爲民父母之心也

板橋鄭燮書

乾隆十五年歲在庚午二月初十日杏花繁之際  
乾隆十五年脩祠時邑令板橋先生爲之記書而未刻石聞諸故老云裝懸祠壁上楊潤軒學錄曾錄之木越一百三十三年光緒壬午再脩始訪求墨蹟撫諸石次年六月郭恩煌高鴻裁王宗彝劉嘉禾嘉穎同立石祠壁先生不可復作修文潔行之訓猶存後之讀書者其共勉之史氏陳介祺記

季士林士恆刻字

### 重修文昌閣碑記

濰邑東南城有文昌閣頽落者久矣幸賴紳士踴躍鳩工它材甫閱月告厥成功顧閣之壞不壞於風雨剝蝕而壞於匪類摧殘使無人監守雖厚垣牆局管鑰恐搬瓦運石者旋踵仍復蕩然因謀善後事宜置瞻養地大畝捌畝肆分叁厘柴毫叁絲招募人看守倘匪類等仍敢騷擾許卽扭稟到官嚴行究責若看守人自爲不法或於匪類容隱故縱則紳士共逐之且廟地不得買賣或擅自典當卽以私買官地論賣者追贓入官買者財地兩空至看守日後更換紳士共同招募不得自相授受夫善作必期善成善始尤貴善終從茲文風丕振士君子當必有應運而興者其務培養封殖之闕於此竊有厚望焉

濰縣儒學教諭候選知縣莊閻撰文 韓壽松 邑廩生郭見龍書  
周文奎 孔繼恕 郭守璽

## 濰縣志稿

### 卷九 營繕 壇廟寺觀

四十

督工郭偉勳 王綸昭 于裕濂 郭炳疇  
丁庸行 郭東元 王裕滢 譚世綸

乾隆四十五年正月穀旦立石

崑崙東南城角舊有文昌閣自創建以來鄉先輩屢經修葺迄今又數十年矣庚子秋闔邑捐資共議重修其閣之後殿及魁星樓發科泉並城之階級梁口亦略為繕補凡三閱月而工畢廟舊有饌地八畝四分三厘七毫三絲三忽在城北馬家埠莊西其地杆尺四至識廟內碑陰但歷年久遠字跡殘闕僅可辨認因揭一紙呈縣存案並將舊碑杆尺復刊於左庶前人義舉久而不替云杆尺

南長可一百六十四步一尺  
北長可一百六十五步一尺三寸

東橫可三十七步一尺二寸  
中橫可三十六步四尺四寸

西橫可三十六步二尺二寸  
東路 南徐  
西路 北至

四至 西至 北至 時

督工 馮道修 陳祥醴 陳國璞 郎士寅 王節 陳述平 張文華  
蒯麟生 陳子飭 王杲 劉內清 陳述平 張文華

此地癸丑年賣於徐可同款入文昌學校 陶 楊玉相 陳象樞書

# 濰縣志稿

## 卷九 營繕 壇廟寺觀

四十一

道光二十年孟冬  
南流文昌閣記

南流東北隅舊有文昌閣創建之始無可考相傳經明季兵火遂就傾圮數百年來遺址僅存余郎氏祖居此族衆屢議重建力有不逮事遂寢族姪昀筮仕江右乙巳歲親老歸養詣祠墓祭掃族衆復有建閣之議族弟穆聞之乃與昀慨然各出重貲任其事闔族亦各釀金以爲之助工起於道光丁未二月吉不令其湮沒雖費浩大亦有所不惜豈無所見而此廢久矣族衆必重建焉而主科名顯達實陰司之理有固然要非可倖而致也或謂此村東濱濰水地勢傾下氣少盤結建此閣以峙於東則藏風聚氣村以完固此又術家之論君子弗取焉恭惟文昌帝君諄諄然訓我士子者孝友以端其本禮法以持其躬而與睦婣任恤以和其黨飭名教而敦風化非淺鮮也族衆其有慕於此乎此與祈福者流不可同年語矣是余所深契也夫是余所共勗也夫  
增貢生郎迂若薰沐敬撰  
賜同進士出身誥授奉直大夫知州銜河南衛輝府淇縣知縣加六級紀錄十次郎盼薰沐敬書

復盛

德成 樞豁

學美 希賢 際太 樞文  
毓美 玉本 廷芳 樞璪

首事郎貞舉 毓璞 華棠 時霖 樞堂 郡章全立

美岳 職 迎祿 樞全  
鵬彩 樞奎

大清道光二十七年歲次丁未冬至月穀旦

觀堂龍王廟記

余觀天地間物廢興雖有時然常係乎其人得人則興失人則廢蓋古今一致也若去縣三十里許有村曰東高里實孫瑛所居也瑛之一門繼世皆篤於義而且雲巖佛事其家頗饒於財成化丙申以粟補邑椽嘗於案牘之暇謀諸鄉人孫禮輩曰凡天下郡邑村聚比比皆有觀堂暨龍王廟以行祀事是里亦邑之大聚也此獨闕焉非吾居民之失者乎今吾欲捐已貲立之於此俾一方之人有水旱也於此禱焉有疾疫也於此禱焉其或有蝗蝻又於此禱而消彌焉尚冀豐我百谷安我四民而被廢麻於無窮固非微福於一己也禮曰善予輩願輔成之於是遂經畫基構鳩材僱工當時聞者翕然樂助如蜂屯螿附者又自若也由是塑神像以尊之於內豎垣牆以冀之于外丹碧黝堊輪煥一新計其工凡兩閱寒暑而成廟像嚴整祀事有所如此不有言以志乎石則無以聞於後乃來屬余言記之余雖懶且拙深辭而固拒之則不近於人情故為之言曰佛以慈悲哀愍一切盡未來世咸欲使之覺妙明心不墮邪見凡有可以開羣迷者不遺餘力衆生因心有想因想有妄掃除妄想使得正觀是神固有功於人矣至若龍王又名山大川之神能興雲致雨以澤萬物生長自若不為水旱雨傷而蒸民乃粒亦豈非神之有功於人者耶故歷代迄今必各立廟以祀之者無非所以報神之有功於社稷有功於生民也今孫瑛之舉亦嘉矣哉是用劂諸堅珉俾將來者庶有攷焉

濰縣志稿

卷九 營繕 壇廟寺觀

四十二

大明成化二十一年歲次乙巳仲冬吉旦同邑後學盧玘撰并書丹

石匠盧玘刊

重修石佛寺碑記

濰縣儒學教諭當塗庾吉撰文

訓導全椒魯時化書篆

石佛寺在縣治南門之內向東去百餘十步許登高殿上窺南極闕大門下瞰陂塘週圍茂樹左右藂石穹若洞谷蒼蒼若林麓城市山林也前無記言以備攷余承乏典教邑庠時嘗祝釐習儀於茲僧住持興琥因托門人李生日藪劉生行古巧記於余曰寺刹無記闕典也邇者採石於山琢磨目工巧言華石將曰垂遠也余曰言之無文匪惟行之不遠得無加菑於石乎繼而再思曰昔柳子厚官寄永州於凡龍興法華等寺咸不靳言於記蓋以備攷也非計文之工拙也矧茲寺為祝釐之所則夫踐其位行其禮奔走對越而作忠之道存焉正衣冠尊瞻視威儀整飭而作敬之道存焉鵠班鴈序時靡有爭雍容揖遜而作勸之道存焉茲寺也不可少也記可少乎哉記之者謂非有金繩焉而覺路可開實筏焉而迷川可渡重其術而記之邪抑非謂幽幽然可以處休宥窅然可以觀妙重其地而記之邪蓋謂其敬忠以勸之道存焉昔人有留異跡於寺而迷者咸賴焉余之留記言於寺而觀者有攷焉得非異事而同行者與李生謝而請曰然則宜書之余曰攷寺誌創於宋咸平二年時僧人玄德者必其無體空折色之跡而造乎真源通假有借無之名而入於實相然後妙感通之術而人樂為勸建至我國朝洪武十五年迺開設僧會司永樂九年僧會廣雲成化二年僧會圓僊是皆矢心修飭者嘉靖十年三十四年四十二年僧人若廣興若興府邑人若李禹臣若陳邦若高寵若信乾亦皆同心修飭者也經今亦既有年所可見而記者門殿二座計六間正殿一座計五間東西廊殿二座計六間規

模未見命矣廉隅未見整肅其所以周延四阿環以廊廡以弘其度繪續圖像  
繒蓋幢幡以昭其文則又在乎今之重地以觀眺者為之倡重術以求生者為  
之附協濟招提之美以大習儀之觀則余之記也亦未必無小補云時  
隆慶五年歲次辛未冬十月吉日

文林郎知濰縣事泗州高尚志  
將仕郎冀州柳臣

典史太和歐陽傑同立石

重修鐵佛寺碑記

邑庠生鞠來復撰  
庠生丁邦交書

蓋自乾竺教入蘭台緘經清涼繪像人士頗尊奉之毋論寰宇之廣濶雖海濫  
哉治內曾建二刹一建自宋咸平今所重修是也夫自咸平迄今茲六七百  
載餘修葺靡常崇尚猶昔其地壞圯弘敞絕無之上塑石佛大像于中後殿  
新剎遷廢寺鐵佛焉前則天王殿前左則山門東西列伽藍達磨二廊弗泐  
士夫往來行過北海者咸稱巨觀云歲漸圯脫寺僧覺清正強誓心普化于持  
財貨畢集工匠不暮月而告成所修殿廊無別創至陶甌甌易朽敗設黝堊  
耀金碧固煥然一新哉先是甫落成所修殿廊無別創至陶甌甌易朽敗設黝堊  
馬走為之走弗爛文辭第鄉耆與僧強之勤懇不容無一言行何啻浮屠圖  
氏獨能印證桑門而不駢枝者乎為之徒者或流而失非佛教之然夫佛以虛  
無為虛無之所以主靜也孰知夫實際之所以修誠也孰知乎慈悲之所以  
行仁也夫苟生之為見若離故佛者解死生芥震旦勤之乎修鍊而返之乎  
真空也雖其禔心繕性非仁義中正之策去世因果報應大都幽渺不可即  
然亦陰執刑賞之柄以勸誘夫愚俗倘謂神道設教者是耶非耶為來歸固  
所樂受不然而息滅塵根頓悟乘識通彼岸慧見菩提是以守其師說而不  
謬迷者慕祇園暗投花市外託比丘內恣跖術是嚮者鳩摩羅什之所羞也  
詎獨吾孔氏之徒闢之即學佛豈法華楞嚴金剛悞之耶故因紀之以告  
夫學浮屠者  
賜進士第文林郎知濰縣事涇陽張問達  
迪功郎吳堡張秉亮教諭斟口常文炳  
萬曆十九年四月八日

濰縣志稿

卷九 營繕 壇廟寺觀

四十三

重修觀音

北海為古 即其地也域屬青州在齊之右縣治南 五里許 外

原有觀音祠 央北拱郡垣南極天壇東環白川西照孤峯此真 靈

夷棲神之寶坊也創建莫稽年紀姑以鳩杖相傳其堂廟貌壯麗神像 後歷時久遠

威微於影響郡人遇有水旱疾疫禱于祠下即隨感而應 寅 宋侯

罹傷風靈棟宇崩摧神像剝落遺址雖存又荒蕪荆棘焉成化 寅 宋侯

慈君以省進士來知斯邑越明年政通人和百廢具興凡學廟壇 驛舍廳治

公廡橋梁道一皆更新悉有成規維時循行阡陌過覽遺址乃謂 曰神宇

崩壞不可廢弛爾郡民宜當修建以增其舊制焉歲 丁酉市八張 謀於

鄉耆信 獻等曰慈君之命誠我民福是可緩耶 化暨闔郡凡鄉 閭巷

莫不協 相助焉故鳩材陶甍營祠繪像豎築門垣工不匝月而輪奐一新

矣青龍 戍鄉耆囑余以紀竊惟神以福善禍淫而司乎幽 侯 勸善懲惡

而司乎明陰陽幽明實相表裏也雖然神之威固通乎千里之遠 侯 知神之相

包乎千室之外微神不能成侯之仁政微侯豈能建神之祠宇哉是知神之相

侯侯之祇神而使一郡和平百里咸安是大助於斯世也堂後置舍三楹住僧  
圓仕以奉祠事用鐫堅砥且為記云  
大明成化十四年歲次戊戌孟夏朔旦濰縣後學姜統撰  
盧玘書篆

承事郎前省進士知濰縣事麻城宋兌  
典史蠡縣展真

儒學教諭四明陶遜  
陰陽學訓術杜鸞  
醫學訓科徐

僧會司僧會圓僊  
道會司道會張希全  
安丘縣石匠盧玘刊

重增福堂記  
直隸雄縣知縣邑人杜珣撰

樂安縣學廩膳生員郭錫書  
本縣儒學廩膳生員王景篆

濰城西南隅有巷曰冶坊居人以陶冶為生故名其中舊有神祠一所殿宇神  
像剝落無存亦無碑記可考顛末基址已屬古老相傳云增福堂成化壬  
寅市人李雄郭英劉奉魏亮李安等發心欲重修葺不敢擅舉乃專康福廣劉  
琰請於官得請文以專責之遂各捐已貲且廣募善眾市材陶甃中起殿  
宇外繚垣埽堦繼得雲遊僧圓宗圓曉者與康秀甯達張好學謀曰神是為  
徒設乃因舊名塑增福神像又益以觀音諸神像以此地不邇市塵不濡乾沒  
且幽僻深靜可以奉釋迦可以安禪弘治辛亥有僧自南來者號曰小南  
禪亦寓於此與徐增孫堂陳積化銅千數餘鑄觀音大士一尊又有土僧洪浩

# 濰縣志稿

## 卷九 營繕 壇廟寺觀

四十四

廣玉與 昂劉恩王道康升郭 謀拓其址建閣於殿後廣一室高倍尋瓴  
甌圻墁丹堊 髹漆罔不完美曲欄修檻巨棟華樑巍然層 而聳羣目之觀  
迺奉安銅像於其中下至山門僧舍廚廊井臼次第畢具康鸞董紳韓雄劉珮  
唐英復相與謀曰祠宇無 曰豈可以今日之無徵又貽後日之闕典乎  
乃誓石求余記余惟先王之治天下幽以事神明以治民事神實所以為民也  
於民者載在祀典若孔廟若壇壇有司者舉而行之其餘雖祀典不存而  
春祈秋報之所有司亦聽若廟若壇壇有司者舉而行之其餘雖祀典不存而  
廟修名賢祠修宋尹祠今此役又成若是者豈獨以為福利之資乎其亦安為  
下之分盡庶民之 矣嗟乎以庶民尚能鼓動羣力修舉其事有官守者當  
何如耶脫使移此以就彼有不聿新廟貌妥安神靈者哉余 以恍 之於  
此而鮮遇於彼也余愧不能相其成至於執筆紀事其奚敢辭故書此為記不  
徒諗於一時又將以諗來者

大明正德五年歲次庚午夏五月朔立石  
濰縣知縣陳州李倫 縣丞洛南張朝卿 典史興濟王愷  
儒學教諭西安吳夔 署訓導事舉人高陽馬乾

重修觀音堂碑記

吾濰西南隅冶房巷有 白衣觀音堂庶列增福像 古刹也烟 輻輳香  
火雲集誠補化分位之區大士現靈之宅也重修於明成化壬寅又重修於正  
德庚午維歷年風雨之侵漸致傾圮加近日地震之變更殘荆 珞不禁  
蛛網牽絲七寶 嚴一任蝸涎滿座白露淋如來之面青苔封大士之衣雁堂  
前草深 金身幾成斷臂矣竊念人盡佛子豈忍堂構之飄零眼看朽蠹共  
嘆像教之湮沒 有尼僧盡孝 興起謀之 信丁汝奇等曰我蓬室隅下漏

八難安矧佛像廟貌不飾何以邀奉舛蠻乎十方揭募三檀各發慈悲咸生喜捨一人唱而百人革其故而鼎其新丹碧之剝落者飾之摧殘者整之莊嚴寶月一一紫磨金色紫竹白鸚粲照蓮臺殿角之若革若飛庭宇之由是亢而為門屏而為壁為火池為禪房依稀水月光中現出圓通寶相香林叢內別曜奢是役也興工於康熙十七年三月十五日告成於二十年九月初六日固為仰仗佛力成此勝槩非領袖虔誠衆檀協力何以得此義舉也哉是當鑄衆善信姓名勒諸貞珉以百世云

康熙二十二年歲次癸亥四月初八日立石  
賜進士行人司正堂前刑科都給事中陳調元薰沐撰

賜進士第兵部職方清吏司督捕主事胥琬  
重修觀音堂碑記

縣治東偏舊有觀音堂亦名皇姑庵前殿三楹奉三大士香火相傳為金宿國公主及靈源姑修真所靈源姑師事馬真人丹陽嘗偕其次子劉崇德親赴岷崑山拜求真訣回至濰上即於郡北申國夫人舊第結草庵以居豈即此庵與抑所謂郡北者郡城之北即今之玉清宮與未可知也至公主當日修真則在此庵無疑今庵中尚存皇姑庵三字金匾而公主遺像一軸住持女僧尤鄭重藏之世世供奉云攷宿國公主者金唐括駙馬之妻靈源姑者申國夫人之女唐括駙馬之姑所謂唐括夫人也並好道術先後寄跡於玉清宮宮之北俗傳有皇姑墓惜無墓碑可據公主修真始末他無所考惟玉清宮唐括夫人碑稱公主敬姑悟道自都城遣介以邱長春所書馬真人歸山操遠獻於姑并為姑勒石載滿庭芳詞滿庭芳者馬真人為唐括夫人作也與歸山操體製略殊而

濰縣志稿

卷九 營繕 壇廟寺觀

其闡清靜之微言揭無為之妙用則旨歸如一公主及夫人道術之精實得力於此今按碑後有定海郡節度副使東平吳似之跋語敘述頗詳碑之建在大定戊申計此庵當與碑同時建去今蓋五百餘年矣其經始碑記無存而自前明萬歷以來修葺可輩數邇漸荒圯羣議重修予表弟廷珍丁君實與其事工既竣屬予為記夫修養之說儒者所不道獨念公主及夫人以天潢世家棄金珠之飾而頂幅巾釋綺羅之服而披麻衣謝膏粱之味而甘糲食盡屏塵務專志頤真(數語用吳似之跋語)有足為世俗風者故因修觀音堂而附記之且書董事者姓名於左以見都人士修舉廢墜始終敬事之意云

勅授文林郎賜同進士出身山西長子縣知縣邑人王延年薰沐拜撰

勅授修職郎辛卯科舉人魚臺縣教諭邑人楊玉相薰沐拜書

道光二十二年六月上浣  
領袖 陳祥體 王 蘭 陳夏寅 丁廷選 張汝彥 丁廷珍 丁廷琛 全立

會首 王 桐 王廷獻 陳祥晟 郎蘊輝 元廷輝 杜萬周 潘宗望  
丁 巖 潘希孔 張培基 丁光表 于振奎 張汝舟 丁宗舜  
郭玉芳 王環 木匠王瑞 樸林  
王懷清 畫匠王超 羣田 石匠王瑞 樸林  
監工 起 續興 續口 續官 濰善院興福寺碑 住持尼僧元吉 廣進 續

濰邑名刹三十四所而在城南則曰興福院去縣二十里郡志所載宋祥符五年建者也控臨塔山襟帶白狼澗頭蓮池諸水泉澄明淡洩縈迴左右與紺園碧殿相輝映誠兜率鉅觀般若勝境也院中碑刻斷碎漫漶不可搨識傳衣主席皆無能道而世經四朝初地儼在雖天龍護持之力要非禪侶信施代有增

修亦不能傳流久遠至於如此也先是儒林師說法於茲業不能斬新耀目而  
廣場猶樹緇素瞻仰士庶皈依焚香頂禮者尚於是結社歡會及儒林滅度後  
主持者如傳舍殿寢堂廡傾頽甌甃卓錫院中懼其久而至於廢也集邑紳  
物盛而衰固其常也歲之己亥修靜師卓錫院中懼其久而至於廢也集邑紳  
士爰咨爰度福德所感金錢雲集於是鳩工度材刻期練日缺者補之少者增  
之欹斜者正之漫汙者剷其塵垢而圖繪之翼翼嚴嚴若化若湧舉數百年之  
宏規一旦而於前有光焉嗚呼天下之事於其既廢而圖之則難為功由其未  
廢而計之則易為力吾濰三十四剝觀法寺為最古自漢明帝十年創建明代  
尚存計其中間不知幾經修治而後傳之千餘年迄今過之點瓦礫散擲於  
荒烟蔓草欲求其髣髴而不可得以視修靜是舉為何如也夫美不常美因人  
而彰豈特一興福院哉是為記而詩以落之  
濰邑多名剝天花散無數興福建祥符歷世傳佛士塔山列翠屏白水環烟浦  
澗頭源泉活葉金蓮吐一點不染心相對臨元圃瑀師掛單來功行劇刻苦  
經營古道場修剔出平楚岌岌開廣庭延袤置廊廡節稅輝藻山業簾羅鐘鼓  
金碧炫丹青壯麗無與伍迦文譯三藏梵音雜兩部嚴翼真化城觀者如環堵  
歡呼走兒童頂禮遍郡府憶昔師未來傾圮無處所叢榛蝓修蛇蝸壁掉蝸虎  
誰為啓慧業洗心參佛祖乞取摩尼珠圓光照千古  
壬午科舉人揀選知縣徐景東果園居士魯山甫沐手撰文并書丹

武 呂協中 張景 高昇  
劉兆海

善會領袖澗頭院村人梁承召 于希舜 孫建名等勸修

# 濰縣志稿

## 卷九 營繕 壇廟寺觀

四十六

李克恭 梁枏 武勉  
丁朴 武孔誦 池

本院住持石佛寺僧代玙法號修靜率弟子崇蓮徒孫增昇等募化  
乾隆四十五年歲次庚子秋九月既望穀旦立石